

按

遼

疏

稿

按遼疏稿卷之五

酌議撫賞疏

題爲營馬凋殘軍威稍弱謹援例冒懇

天恩憐給寺馬以濟危鎮秋防事卷查萬曆三十七年七月二十八日奉都察院巡按遼東一百三十四號勘劄准兵部咨該薊遼督撫按王象乾等揭前事該本部覆議除太僕寺寄養馬匹調取三千匹限七月中旬齊集山海關聽主事邵可立兌給各軍以備征剿外仍

嚴勅督撫諸臣今後解到馬價專用買馬不得媚虜
別項那借等因題奉

聖旨是准調三千匹與他該鎮馬價每歲十萬餘兩
原足買馬之用如何今日輒稱無馬其馬價那用
撫夷是否舊例着撫按官作速查明議處來說欽

此欽遵移咨備劄

到臣依奉案行分巡遼海東
寧道查議明白通詳以憑會

題施行續據該道右叅議孫敦化呈爲乞賞順差
事內稱團山等堡撫賞等項一年總計銀三萬
三千二百兩議要仍于五道應分三十七年馬

價銀內扣撥貯庫聽候撫賞支用餘聽各道支領等因該臣除將原詳駁批外復看得年例馬價原不該爲撫賞那用旣已奉

旨清查議處如果撫賞勢不可缺只合移會比照各邊事例議處正項方爲長便仍牌行該道再議妥確去後今據該道呈稱蒙臣案驗前事又蒙巡撫遼東李都御史案驗准兵部咨亦爲前事備行本道查明議妥作速詳報以憑會

奏施行蒙此行據廣寧管糧通判杜邦泰呈稱依

蒙查得每年部族遼鎮年例馬價銀一十一萬
七千八百七十五兩總解廣寧庫收貯原議兵
馬多寡分族各道聽各屬營路呈請動支給軍
買馬解驗騎操年終各道備將各營買過馬匹
毛齒軍丁姓名造冊呈報撫院總類造冊

奏繳送部查考以便咨發年例迨至萬曆二十七
年以來部族馬價照數分發買馬等項年終並
不造冊

奏繳及卷查三十二年正月內蒙巡撫趙都御史

憲牌爲夷人堅求開市應集衆思以便題

請事該前分巡兵備黃按察使移會各道酌議部發
馬價扣留撫賞每一萬兩扣除一千五百兩如
寧前道馬價一萬五百兩該扣一千五百七十
五兩海蓋道馬價四千三百兩其數不多量扣
四百三十兩分守道馬價一萬七千兩該扣二
千五百五十兩開原道馬價一萬五百兩該扣
一千五百七十五兩分巡道馬價七萬五千五
百七十五兩該扣一萬一千三百三十六兩二

錢五分以上馬價計一十一萬七千八百七十五兩各扣不等共扣除一萬七千四百六十六兩二錢五分督貯廣寧庫以備撫賞呈蒙詳允案行管糧通判張承祚轉行該庫自三十二年爲始每年遵照扣留外再查市馬子銀起于萬曆十五年間蒙前巡撫顧都御史因正兵大營軍丁領價買馬被勢要賣馬之家捐勒外貼稍銀十數餘兩不等苦累戶丁乃議馬價動給委官蘇杭易買段布等值收庫給散馬戶市換夷

馬每匹官貨價值多不過十五六兩若給家丁
騎者該官價銀二十兩選鋒騎者十八兩哨軍
騎者十六兩邊軍騎者十四兩除貨物地頭價
值外本鎮時價及省下馬價俱稱子銀總積貯
庫遇左庫軍餉不敷暫借暫還別項並不動支
亦不聽閱視查盤及顧巡撫陞任方將所積子
銀一十一萬零賑濟三萬餘金見存八萬爲接
濟軍餉等費具疏

題知後至二十一年間倭犯朝鮮驛遞差繁文蒙

題議子銀每年協濟驛遞銀四千一百餘兩解左
庫搭放軍餉二千兩撫鎮撫賞銀二千兩犒賞
獲功等項銀一千餘兩至二十七年、前巡撫李
都御史鎮守孫總兵因李總兵境外陣亡、虜犯
無時、遂罷市賞至二十九年、巡撫趙都御史鎮
守李寧遠伯到任會

題復開馬市、換馬如故、子銀仍舊積貯、聽備協濟
驛遞搭放軍餉、小操等項支用、至三十二年、撫
賞漸增、抽散稅少、故議扣留馬價一萬七千四

百六十餘兩、及查三十四年分馬木市抽分稅
銀三千八百九十六兩八錢五分零、夷人進馬
價銀三千八百兩、換馬積出貨馬子銀一萬九
千九百九十七兩一錢七分零、共銀二萬七千
六百九十四兩二分、計一年撫賞、共用過銀三
萬一百三十六兩七錢三十五年馬木市抽分
稅銀三千五百八十七兩四錢五分、夷人進送
馬價銀三千五百二十兩、貨馬子銀一萬五千
四百六十四兩九錢五分、共銀二萬二千五百

七十二兩四錢一分計一年撫賞用過銀三萬二千一十六兩二錢四分爲照一年撫賞抽收稅銀換馬子貨夷人進馬等項銀不過二萬二千餘兩約計一年撫賞用銀三萬二千有奇計收計出委不足用今蒙欲將馬價專聽買馬不許那用又不換市馬子銀停革竊恐撫賞三萬之需已無所資併協濟驛遞搭放軍餉操賞犒賞等項銀九千餘兩亦無從出若不

請發撫賞別項無從設處緣由呈報到道看得每年

部發年例馬價原係備買馬匹之用第遼鎮近年以來率多事故如備倭協濟驛遞糜虜議厝撫賞及解左庫搭放軍餉等項俱勢不容已者本鎮庫藏既匱別無所需不得不取諸于馬價中耳乃今欲將此銀專聽買馬實有裨于馬政但前項諸費委的無從設處若非題

請仰籍于

內帑則他如別項必萬萬不能濟其事矣緣由已經通呈蒙撫院詳批仰候按院查明馬價題

請行繳又蒙按院詳批候會

題行繳案候間祇因庫中缺乏撫賞債物等項又經本道議于三十七年各道未分馬價銀內借動三萬三千餘兩以濟急用緣由通詳隨蒙撫院詳批如議仍候按詳行繳又蒙按院駁批年例馬價原非專爲廣寧而設舊時每年以扣撫賞一萬七千餘兩猶認各道驛遞協濟今不認協濟而徑扣三萬三千餘兩何也且三十六年以前舊帳不還矣餘剩銀債不平給矣新帳又

倍扣焉于理似欠公平、卽調撫賞各項委難措辦、只合議照各邊事例題

請給發批行查議間、本道三駁糧廳以求一當、而本官束于事例、惕于

明禁、苦莫能爲計、本道反覆數年、卷案沉思累日、不覺喟然長嘆、遼事何窘苦至此、令人難以厝手哉、苟不于此時極力調停、猶因仍苟且、竊恐後日事例之窘、更將千百于此日、而遼事壞矣、夫有一鎮必有一鎮撫、賞正項卽如宣大延寧其

固等鎮歲各犒撫賞二三十萬而遼何獨無也
豈以諸鎮猶可款戰互用而遼以孤懸單弱之
區可籌主戰一切撫賞諸費當盡報罷耶惟本
鎮原無撫賞從前當事又不據例疏

請乃爲一切苟且之法支撐目前而貨馬子銀之名
自此出矣開市會一廢于萬曆十五年之時蓋
亦爲事例窘碍究竟夷情日勢而難理當事者
不得已又于二十九年而復之第不宜狃于一
時不慮長乂創爲貨馬子銀而延爲今日不可

支之弊夫子銀之說豈真以毋而能生不過巧托名色展轉爲用馬價之資耳自三十六年以至二十九年纔八年耳而箭賞已加十倍馬價日虧營馬日以不堪總之有前人之支撐趨今日之窘急以前人之積獎養今日之積弱勢有固然無足怪者今馬子銀業已奉憲禁而本道力矯其弊頓易其轍各營諸將猶呶呶以故套生悒快亦無論矣而偵子銀尚可冀乎無論三十六年以後不干五道扣留外別仍買偵市換

夷馬之例而貯庫亦多剩爲濫惡馬戶不肯領
夷使不肯收可謂傾子銀未嘗不在也嗚呼不
議請撫賞而徒嚴禁例終非援本塞源之說竊
謂遼事日益窘而執益難行矣此關市也西自
虎黃等酋東至紗花諸夷無一不望關門而乞
賞此等部落豈猷廣寧一道干涉而撫賞諸費
猷廣寧事耶賭禁例而思事例之難扼腕非一
日而計無所出矣爲今日計欲剔數十年相延
之積弊振一線孤懸之弱區非急

請撫賞則關市一切諸費協濟諸項執必盡爲報罷而後可矣遼事將何如也懷望本院廉前事萬分不容不停革之情而揀今日事例萬萬不能行之急卽不敢望宣大撫賞例而或難令其獨無使無米議炊巧婦傷之但得五六萬庶幾可以振起數年積弊而尙孤懸也不然遼事日壞雖有善者亦無以維其後矣等因到臣爲照遼左年例馬價一十一萬七千八百七十五兩每年部族解遼原爲廣寧遼陽寧前開原海蓋五

道酌量馬匹多寡均發買馬而設非爲廣寧一道撫賞設也總計全遼馬騾五萬二千餘匹頭內廣寧一道數不及二萬計馬分銀每年應得馬價不過四萬兩耳祇以撫賞故除分馬價六萬四千二百三十餘兩外又扣留各道銀一萬七千四百六十餘兩以一道獨得八萬一千七百五兩而遼陽等四道止共分得三萬六千一百七十兩又祇以撫賞故併此三萬餘兩亦不聽四道領去而仍留廣寧自用以致逐年欠下

各道馬價七萬餘兩至今無還或云廣寧大虜撫賞與各道俱相干應儘廣寧多分多扣信斯言也則當爲各道省撫賞而寧前開原又自有賞何故則當爲各道弭虜患而年來黃台吉小反青等犯搶寧前遼陽地方固皆廣寧撫賞虜也扣四道銀兩以予處僅僅博廣寧一處之安而卒不能免四道于患又何故前年查叅馬價臣曾爲此不平而疏及之去秋臣在廣寧會撫道公同商議臣謂各道馬價不得買馬者廣寧

累之也必使五道年例從今分脫截然爲二而後四道不以廣寧累全鎮馬價不得買馬者撫賞累之也必使兩項銀兩從今分脫截然爲二而後馬價不以撫賞累時諸臣皆以臣言爲然而獨以撫賞無措稱苦後該道因夷人討賞迫近仍議于三十七年分五道銀內扣撥三萬三千餘兩以濟急用而臣復堅主兵部馬價專用買馬不得那借媚虜之說峻行再議必欲查例區處得其長便爲馬價爲四道斷後患而後已

臣思年來我

皇上哀憐遼左、發帑金三十萬、召兵買馬、以拯其危、而卒以事體猝難應手、爲人口實、臣已不勝其愧死矣、何敢覩顏張口再

請撫賞、蹈馮婦之譏、而屢據該道催稟情詞迫切、又數數以見今閉關停賞爲言、萬一斷賞開釁、他日必有以臣獨不許馬價撫夷爲臣咎者、此又臣之所不敢任也、仰惟

天心仁愛、危遼無已、着令臣等作速查明議處來說

臣謹遵

旨會同巡撫遼東地方釐理軍務兼管備倭都察院
右僉都御史今候代李炳議得遼鎮之有馬價
也以充騎戰其有撫賞也以示羈縻兩者原不
相通而馬價之以撫賞盡也則戎馬日削戎馬
之以撫賞削也則虜款日携兩者甚是相妨自
前人以馬價易貨創爲子銀名色于是撫賞與
馬價混箭日添賞日濫而馬價始受其弊自廣
寧馬價受弊不得不占番各道銀兩以供已用

而遼陽四道俱受其弊顧往年虜衆帖服可不
以買馬爲事猶得持馬價以撫虜而今自殺降
開繫所在侵擾需馬甚急其不得割馬價而爲
撫賞之資勢也往年各道苟安皆不以買馬爲
事猶得讓馬價與廣寧以撫虜而今則虜禍切
身各畏干係需馬俱甚急其不肯讓馬價而爲
廣寧之用亦勢也况今日子銀與馬價俱盡雖
欲混用馬價而不可得廣寧與各道馬價俱盡
雖欲讓爲廣寧用而亦不可得然則撫賞銀兩

將安取給哉臣等竊惟各鎮皆有撫賞皆有部
發正項而遼鎮于九邊爲首遼虜視各虜更馴
尤不可不同類而一視之者今不敢泛引請借
宣大爲例宣大處右臂遼東處左臂同一

京師重鎮也北虜惟兩種最強西則俺荅部東則
土蠻部土蠻故元裔擁衆數十萬臣服三衛控
制毛憐海建諸酋長以百十勢視俺荅部近益
強而以直孤懸卑弱之遼其士馬器械城堡險
隘等項又不及宣大遠甚乃宣大各有撫賞正

項銀數萬而遼獨無獨割馬價苟且支吾以自
愚自壞是宜大宜主款遼鎮宜主戰而左臂不
如右臂重也今前人已許之箭臣等不敢輕裁
以開虜釁卽此費用已是一日難撐况虎墩兔
愁大賞猶未定此會已長成能統衆去冬報領
十餘萬騎赴關請賞未果今春夏間必以大衆
親來來則臣等何以應此今日遼事之至急至
急而萬萬不能支者也約據各道凡用撫賞數
目廣寧以三萬二千金計寧前以五千金計開

原以七千金計而虎墩兔懸大賞未定其數更屬不貲伏乞

勅下兵部加酌議查照各邊事例覆

請給發撫管正項銀兩以濟急用其年例馬價各臣等查計五道馬匹多寡定以萬曆三十七年爲始從公均發專用買馬備戰再不許廣寧多分多扣亦借撫夷支用則馬價與撫賞判斷各道與廣寧判斷戎馬皆得充實而夷虜亦不致于缺望矣臣等無任激切哀懇待

命之至緣係營馬凋殘軍威削弱謹援例冒懇
天恩憐給寺馬以濟危鎮秋防事理未敢擅便爲此
具本專差承差劉可繼親齎謹題請

旨

萬曆三十八年閏三月二十八日

奉

聖旨兵部知道

推舉邊道疏

題爲遼陽久缺道臣謹破常例就近推舉賢能以
重銜邊以應急着事自長定之役遼陽兵備革
任聽勘二月間吏部推補原任叅政田立家以
降調而驟起邊道倘肯感

君恩重

君命不俟駕而趨十五日聞報五日治裝二十日急
馳赴任不出四十日早可到邊而今距

命下時已七十日矣尚不見有起身消息臣不意封

疆如此緊急而乃延緩一至於此卽此一節已無憂

國奉公之誠決非他日治遼善品臣方欲具章而督撫就近推簡之揭至矣臣惟遼東各道地方村屯殘破殆盡間有一二了遺者虜旣不屑搶掠我亦不肯收拾大都坐保孤城爲悠悠待盡之計以若所爲邊道亦何難之有惟遼陽村屯蕃聚爲全遼軍馬錢糧芻粟器用所自出之地西虜無日不垂涎而東虜介在撫順清河寬奠

鎮江一帶又復割其腹心而據之使兵備得其人則守住見在之遼陽猶可救已壞之全鎮不得其人則西虜動而西疆之村屯變爲各道之村屯東虜動而東疆之城堡折爲建州之城堡遼陽去而遼之全鎮亦去矣故善爲遼鎮計者當以遼陽爲根本善爲遼陽計者當以得人爲緊要以臣論之其爲遼陽做事也不徒貴有所馳過人之才而貴任勞任怨有一段真切肝腸以爲之主苟其肝腸不如此而其才適足爲躲

猾之具其爲遼陽禦虜也不徒在於虛恢疆場之氣而在不吐不茹有一副操縱手段以爲之用苟其手段不如此而其氣適足爲挑禍之階卽有其肝腸矣又有其手段矣而兵乃專門之學苟於本兵政務邊關險易虜情緩急將領賢否士馬強弱平日不能練習曉暢而欲學割於一時恐亦不能當機應變而收速安攘之利也臣嘗服先臣高拱議儲邊方督撫兵備之臣當自兵部司屬始爲不易之論竊見兵部職方司

郎中見推江西叅政徐鑾爲人明敏通練急公
不顧私任事不避難而又心思入細機用合宜
每與臣商確建會事體緩急疾徐操縱尤爲得
法若以本官改推遼陽兵備

命下旬餘日便可星馳赴任管事以方畧預定之人
就籌畫素熟之地而應門庭緊急之事有撫所
謂就近推補之便恐更無便於此者矣日今奴
會雖退張其哈喇佃子不過一山峽度我所必
不能有者以嘗我緩我及論以橫江舊鴉鵲關

地方却佯然不理比見援兵在遼驚疑愈甚日
惟擺撥糧甲以待而西虜數萬騎屯聚遼瀋墻
外犯澹只在刻下臣雖不敢以東方之事自遜
日在修城擇鹽買馬治械積芻輓粟椎牛饗士
調度諸將吏爲戰守備顧自度終未如虜衆何
畧事海蓋道副使聞鳴泰力疾來遼收保防禦
雖有兼人之才而當遼海兩衝之虜又新平東
山礦寇擒其渠魁三十餘人散其餘黨萬餘人
聞其衆尚欲嘯聚不免有顧此失彼之懼望一

的當之人早來遼陽計議行事真是以日爲歲
臣非不知推用官員係吏部職掌御史不該坐
名

題補只緣事情萬分急迫度其地度其人又度其
時勢似非徐鑾不足以辦此不得不破例以舉
之所謂苟有利專之可也臣不敢以封疆之重
而避侵官越職之嫌伏惟

皇上勅下吏部酌用施行遼陽幸甚全鎮幸甚緣係
遼陽久缺道臣謹破常例就近推舉賢能以重

銜過以應急著事理未敢擅便爲此具本專差
承差張可觀親齎謹題請

旨

萬曆三十八年四月初七日

奉

聖旨已有旨了吏部知道該兵部覆奉

聖旨是徐鑾准留用王興已奉旨着催他上緊赴任
不得推延吏部知道

常平倉積穀疏

題爲積儲關係窮邊大命謹設立常平倉括緩買穀恭報完數以備查考併懇

勅議以爲經久便民之計事竊照遼左僻處關外三面隣虜一面隣海僅通山海一線之路與腹裏通邑大都有無相通者不同歲豐則遼東之粟不輸於外其價易賤而傷農歲凶則外境之粟不通於遼其價易貴而傷民以此豐年粒米狼戾曾不重惜而一遇凶歉則斗粟值銀六七錢

無從尋覓但彼此相看爲溝中瘠而莫可奈何
臣考便民之法莫有善於常平倉者穀賤則增
價而糴以便農穀貴則減價而糶以便民歛散
以時豐凶俱賴行於遠近更相宜臣正欲議
興舉適去秋金復寧前饑人心洶洶搶盜羣起
馬官兒寨山豪金三塊等三十餘人招衆打礦
饑民蟻附聚至萬數千人官司莫能制臣與海
蓋道副使閻鳴泰商議饑民所以甘爲礦賊不
悔者由於自己旣無以存活而官家又無絲毫

之積知其必不能救我而去之耳今欲解散其
黨惟在汲汲買穀救賑明示百姓以有所恃庶
幾去者猶有還心居者始有定志而是時臣方
以贖銀萬餘兩修築堡臺牆壕又急無見銀可
以發糴因查動定遼前庫餘稅銀四千二百四
十七兩、雙山鹽稅銀一千五百兩、中江稅銀八
百五十兩、海州庫連雲島稅銀五百兩、一面先
發各道趁時糴買外、自去秋至今臣衙門贖銀
又復積過二萬九兩四錢七分八釐、酌量各道

地方寬窄丁口多寡陸續分發分守道銀八千六兩四錢七分八釐分巡道銀五千兩海蓋道銀七千兩原道銀三千五百兩寧前道銀三千六百兩已於三十七年八等月內節次牌行各道選委的當衛官分投有收地方加價糴買問該臣又思得所買糧石欲要寄收軍儲各倉恐滋混淆不便稽查隨畫圖式牌行各道揀擇高燥地方買賣處所照圖建立常平倉廩遼陽廣寧二處係鎮城官民衆多每處改稅監舊衙

門建倉一所計房四十一間右衛瀋陽清河錦
州義州右屯金州復州海州蓋州開原鐵嶺寧
遠前屯共一十四處每處止於一衛人民各建
倉一所計房二十七間其應用物料等項銀兩
據分守海蓋開原寧前四道呈稱各於該道庫
貯備賑草價倉報紙順等銀動支呈請開銷惟
分巡道呈稱庫無堪動銀兩臣又勉括本衙門
贖銀一千七百一十兩報發該道製買建蓋去
後今據帶管分守道事海蓋道副使閻鳴泰呈

稱遼陽左等五衛原發銀五千一十六兩四錢七分八釐買完薊秣一萬一千七百六十三石八升三合三勺三抄三撮三圭三粟四粒穀一萬七千二百五十二石建倉一所計房四十一間定遼右衛原發銀九百九十兩買完薊秣六千六百石建倉一所計房二十七間瀋陽中衛原發銀一千兩買完薊秣五千石建倉一所計房二十七間清河堡原發銀五百兩買完薊秣三千三百三十三石四斗建倉一所計房二十

七間蒲河所原發銀五百兩買完蜀秫二千五百石寄收軍儲倉內又據分巡道右叅議孫敦化呈稱廣寧等四衛原發銀二千兩買完蜀秫七千五百七十六石建倉一所計房四十一間左中二屯衛原發銀一千兩買完蜀秫四千七百六十二石建倉一所計房二十七間義州後屯二衛原發銀一千兩買完蜀秫四千五百五十八石三十二升一合六勺建倉一所計房二十七間右屯衛原發銀一千兩買完蜀秫三千

九百六十八石二斗五升九合建倉一所計房
二十七間又據海蓋道副使閻鳴泰呈稱金州
衛原發銀二千兩買完薊秣一萬石建倉一所
計房二十七間復州衛原發銀二千兩買完薊
秣九千八百四十八石四斗五升建倉一所計
房二十七間蓋州衛原發銀一千五百兩買完
薊秣七千七百九十一石五斗五升建倉一所
計房二十七間海州衛原發銀一千五百兩買
完薊秣六千八百四十一石五斗建倉一所計

房二十七間又擬開原道僉事高折枝呈稱三
萬遼海二衛原發銀二千兩買完薊林八千五
百四十一石四斗五升穀五百五十石并收助
工餘剩糧四百一十五石一斗建倉一所計房
二十七間鐵嶺衛原發銀一千兩買完薊林四
千五百四十五石九斗三升四合建倉一所計
房二十七間懿路所原發銀五百兩買完薊林
二千二百七十二石七斗六升六合寄收鐵嶺
倉內又擬寧前道右叅政馬拯呈稱寧遠衛原

發銀二千一百兩買完薊秫七千三百一十二石三斗穀九百七十九石五升二合九勺一抄七撮豆二百四十七石八斗米五十一石六升八合建倉一所計房二十七間前屯衛原發銀一千五百兩買完薊秫四千九百五十七石四斗三升四合穀三百八十九石六斗六升八合豆四百四十三石五斗米一百六十六石八斗六升八合建倉一所計房二十七間各緣由呈報到臣通計買穀建倉用過臣贖銀二萬一千

七百一十九兩四錢七分八釐餘稅銀七
十七兩通共銀二萬八千八百一十六兩四錢
七分八釐買完糧一十三萬二千六百六十七
石五斗四合八勺五抄三圭三粟四粒蓋過倉
廩一十六所計房共四百六十間臣曾親下遼
陽新蓋倉內驗其穀石皆乾圓潔實驗其倉廩
物料皆極壯大完厚真可百年不壞臣心甚慰
其各道穀石倉廩臣雖不及親驗然每與公移
私劄叮嚀諄切心血爲盡諒能體臣憂民一念

不忍苟且了事臣惟盡鎖之窮至今日而極矣
自屯田法壞歲收子粒虧及

國初額數大半所在軍儲倉空虛倒廢鞠爲犬豕
之場而各衛預備倉併無收貯贖穀一粒備賑
卽孤老數年不得關領一粒養濟何論救荒以
此一遇水旱百姓皆知內無活法外無來路相
率作盜賊走夷狄而不顧乃向來地方官自汲
汲軍馬催討錢糧而外曾無一人以積貯爲事
者想以軍馬無食而鼓譟則恐脫巾爲罪得食

而飽騰則可盜殺邀功至於地方百姓救活數
萬人而蔭賚不加餓死數萬人而訶譴不及宜
其所重在彼不在此而不知無民則無軍無食
則無民無民無軍則無遼此亦弗思之過也臣
嘗譬造如治病然風寒之侵人所時有但使腠
理固密脾胃壯實亦不足患夫虛弱之風寒也
壕塹城堡造之勝理也屯圉積儲造之脾胃也
兵馬不過一驅風逐寒之藥耳至於固腠理而
使外者之不入實脾胃而使內者之不潰則修

邊屯積尤爲安遼之本務去秋臣曾具屯田修邊一疏仰格

天心兩次

明旨屬望當事會議修舉何等殷切乃今在外已無一人說起在內已無一人主持而修隙者又復造言撓阻孤負

聖懷實臣竊言無當無所逃罪惟設立常平倉買穀治厥出臣獨議獨處猶得報完以畢涓埃之一念顧臣伏而思之凡臣所以爲此者非徒實欲

爲遠永永計臣雖有千百年之心而無年半不
去之官雖能獨議獨處於一時而不能常議常
處於千百年之久假使臣創立於前而將來諸
臣莫爲相成於後則今日十數萬之糧石數百
間之廩房又將化爲紙上空言滋人口實翻不
如響者修邊屯田早早丟開之爲愈耳臣惟常
平之法本圖便民如使行之得人遇豐年則添
價以糴遇歲饑則減價以糴大饑則借貸候豐
歲輸還更不出息或卽糴粥徑自開銷令百姓

真得便利而又權新陳以時歛散不令堆積朽腐而又嚴察官吏牙行情弊不使因緣爲姦利則公私俱便何法不可經久獨患爲之上者鄙出納爲有司不肯及時糴糶或糴糶不能察知在市斛斗實價聽民情願自買自賣只憑武官配抑人戶牙行高下通同以爲法害臣於此不無私憂過計嘗聞萬曆初年遼陽道翟繡裳留心地方廣積穀石後人怠廢旋至浥爛及十四五年間大荒斗糠值銀一錢人民餓死乃始思

翟而悔其備之不預亦晚矣夫不以待翟者待
臣而復貽十四五年之懷是則臣之所望於各
道者也臣嘗計美戶口遼陽廣寧二城須各得
五萬石餘衛各二三萬石沿邊城堡亦各數千
百石方可救濟得遍雖糴本無措但使肯心一
發逐年處辦亦不甚難歷來按臣亦有在差一
年七年者豈無贖銀比復何在前按臣蕭淳遺
臣贖銀六千餘兩合臣差內所積除支過各色
正項公費三千餘兩又地方督撫鎮部交際臣

不能矯衆而所受往還儀物千有餘兩臣亦不敢絲毫自私俱分發各道管糧官賑濟孤貧外其修邊常平兩項用過三萬一千七百餘兩以爲取之詞訟而臣自入境深恨刁民慣訟問官徇私自人命強盜而外一切嚴禁通計所隄省徃時十分之八以爲取之查盤而臣嚴囑各委官不得徇私問罪通計所報減徃時十分之三又深念官民貧窮自蕭御史以前未完贓贖通行各道盡數註銷以廣

皇上恤民德意其所收不過捕獲山東豪買海船貨物數千兩訪拿本衙門極惡本房承差辛學等贓銀數千兩爲額外物而其餘則皆尋常套數應有之贖也臣惟銖積寸累不忍浪費以至於此誠使後來諸臣繩繩相繼十年之後何愁各倉不充臣願不滿是又臣之所望於按臣者也臣又惟巡按王察巡撫王撫此等常平便民事體原係巡撫職掌若止專用按贖不用撫贖則將來撫臣視爲與已不相干涉之事而其法將

不可久舊例巡撫衙門贓罰銀兩六分備賑撫
賞四分充餉至萬曆十五年巡撫郝杰題

准盡留備賑撫賞等項公費臣等細查已報未報校
十歲之中以爲常歲約收贖六千餘兩除雜項
公費僅及三千兩外所餘一半併無撫賞備賑
支用此後似應每年撥銀一千兩入常平倉項
下分發各道作爲糴本會同巡按御史督令各
道及管糧衙門着實舉行年終分別舊管新收
開除實在數目明白造冊

奏繳青冊送部查考道廳官以此舉廢爲嚴最庶
使撫按不分彼此事體有所考成是又臣之所
望於撫臣者也臣又查得本鎮徵收各色銀兩
絲毫盡歸餉部雖屯民所納蒲板銀原爲修理
鋪墊而設亦盡括爲月糧正項以致軍儲倉廩
在在丘墟屯糧悉窺土窖收貯多至泡爛至於
營伍雖造一鉛一矢亦必取給於馬價而更無
別項可動良用慨歎臣衙門贓罰銀兩原充兵
荒之用非專抵軍餉也臣差一年有半例應解

部銀三千兩臣已發爲常平糴本又雙山稅銀
每年二千兩舊規一千兩解部四百兩撫院四
百兩按院二百兩守道分州向爲稅監所占臣
今年亦盡查發收糴歸入常平項下此兩節之
在餉部比於乘鴈雙鳬不足多寡而留在地方
逐年救民實爲億萬生靈不朽之利如去秋馬
官兒寨饑民曠徙嘯聚山谷臣亟檄海蓋道議
蠲議賑盡查革藏錢糧雖搭放軍餉之類亦暫
留賑濟併處借春間牛種其後民心始定礦黨

始解假使臣不權宜區處直待百姓盡資以爲
而後議招議剿豈不更費餉部處分臣嘗觀今
人做事只挨目前一毛不拔及至事急却大片
捨去而不惜誠所未曉合無將臣衙門每年解
部銀二千兩雙山稅銀二千兩自三十八年爲
始留充常平倉糴買本錢以爲窮邊久遠之計
祖宗朝嘗發司農金錢糴穀備賑而我

皇上亦嘗發帑金賑救省直饑民况留地方之物還
濟地方之人不煩區處而事甚順便是又臣之

所望於戶部者也伏惟

皇上始終憐念窮邊

勅下該部覆議施行生民幸甚封疆幸甚緣係積儲
關係窮邊大命謹設立常平倉括緩買穀恭報
完數以備查考併懇

勅議以爲經久便民之計事理未敢擅便爲此具本
專差承差許世光親齎謹題請

旨

萬曆三十八年四月二十四日

奉

聖旨常平倉非但備歉亦可濟邊熊廷弼積穀許多
具見實心任事該部便與看議永遠遵守其屯田
事已奉屢旨應否遵行如何通不奏報着戶兵二
部查催明白說來

縱虜內地圍獵疏

題爲將官縱虜內地圍獵乞

賜議處以重華夷大防事本年五月初二日據
開原兵備道僉事高折枝呈稱萬曆三十八
年四月二十七日據定遠守堡吳道隆稟稱
本月二十六日早間蒙慶雲林遊擊差夜不
收左住順邊挨臺分付有在市夷人煖兒營
達子順邊裏打圍不許舉放炮火至未時果
有夷人二三百騎從慶雲堡亮子河西順邊

裏夾牆圍獵、跑至本堡大邊新臺爲止。至申時分、收帳去訖等因。具稟到道、據此。該本道看得邊牆之設、所以嚴內外之防。牆裏豈夷人圍獵之所。煖酋營雖在討賞然革面無幾時、其情尚叵測。安知非假此以窺伺地形險易、爲將官者不能禁之已矣。又從而使人導焉、則虜復何所畏憚。虜無足怪、將官真可異也。開原邊政大抵若此、漸已不可長矣。由此不加载正、開原將不知作何結局。緣由

到臣一見不勝駭愕查得開原邊有二道一爲老邊自慶雲堡西南起至西北正東東南柴河堡約三百里凡誌書內所載墩臺百餘座皆丟棄不守甌石皆被虜拆去夷地爲板升其地任夷駐收往來者數十年去春臣曾疏及之一爲新邊乃邊吏縮入內地二三十里緊靠各堡挑築小壕一道以苟且自衛者自小壕以外老邊以內全然視爲夷物以此瞭守逼近往往邊烽纔舉而虜騎卽至開原城下使人不及備去年

臣脩墻壕議復老遜道將以宰煖窺伺不敢任
仍脩新邊業已築過三十里而臣弗從也以謂
此邊一定則前地盡界於夷他日必有以棄地
議其後者而欲圖脩復則宰煖方橫事勢又難
輕率正躊躇間屬北關那酋死臣憐本酋忠順
向來梗住東西虜不得打通一片者實賴其力
恐一死而其姪白羊骨輩不能自保遣通使持
緡帛往慰之且以堅生者意而是時宰煖各營
皆遣夷會葬見通使至則皆感歎謂裏邊大馬

法這等哀憐學好達子若我等頭目死不如犬
那得這樣宰曾聞之感動卽歸所奪北關馬百
匹仍遣通夷來告併送進前秋所掠人口乞求
款賞而臣以爲此復老邊者機也若一面興工
一面遣使隨通夷慰藉其意渠必再來乞賞往
返講拆不出二旬而數十里衝處工程度可完
其他自可無慮因屬該道行之無何宰賽煖兔
果遣親夷各獻馬匹來見宰賽仍願差夷爲我
架梁以防他營擾工而臣遂因是親詣慶雲邊

外冒險督工僅而得完蓋當日恢復老邊之難有如此其後界限嚴明置臺瞭守數十年胡馬馳驟之場不見一夷之跡而宰煖之鴛鵲亦因此漸消而爭效順焉四月內據高僉事稟報宰賽營領賞已畢於十三日卽盡起營回巢煖兔領賞月盡可完此二大營旣完餘營撫賞更自無難此番夷人領賞較往時頗覺恭順邊人稱從來無如此容易撫者莫非臣脩牆增兵順治威嚴所被臣誠愧不敢當而牆壕之險實亦有

足恃者蓋近日恢復老邊之利又如此倘使爲
將官者稍知大界當嚴微釁當杜深拒力防定
使胡騎不得混越豈惟封疆允賴臣亦藉以自
慰何乃老邊甫復之後又踵常年故事聽其圍
獵於內而莫之禁禦也林宗舜卽武人不諳內
夏外夷之辨只如脩復時節一段操心設法之
苦宗舜亦曾目擊而身嘗之矣詎忽忘至此乎
嗟乎地方之事做定見成而不能守臣且如遼
將何哉臣謹會同巡撫遼東地方贊理軍務兼

管備倭都察院右僉都御史今候代李炳議照
得夷狄人面獸心不可狎暱備嚴則款備疎則
犯是以書戒通道春秋謹嚴內外之辨蓋防乎
其防焉煖宰二酋在開原最爲跋扈今其搖尾
而乞賞於我也豈真畏我兵強將勇足以一戰
而制其死命哉不過犬羊貪嗜苟以濟一時之
欲而天性固未嘗一日忘殺掠也我旣力不足
以制之卽嚴防密備護其藩籬而塞其罅隙猶
恐不支况乎引狼入室縱令牆裏圍獵若林宗

舜之爲也者是不益長戎心之陰伺而遺地方之永禍也耶宗舜備禦開原三年正值夷情紛擾所以北拊那羊東拒奴速西縻宰爰俾與北關復親東夷漸離者前道石副使往往多其力雖臣等亦才之以此議陞慶雲遊擊領新兵以當西北一面而不意其疎闇寡謀一至於此臣等嘗嘆奴酋本一亡虜餘孽舊鎮縱之嘗給夷使銀牌十餘面致令經年鎮戍在內行走而關驛不敢問又嘗聽奴酋親領數千騎護送西夷

直經開原南門外往還而道將不能禁因此養
虎遺患馴至今日殷鑒不遠念之心寒年來臣
等申肅禁防綱紀粗定何圖今日復見此事若
不亟加議處則遼左武弁皆相率以玩夷爲常
事將宰賽援煖鬼之例二十四營援宰煖之例
東西插漢海建諸酋又援二十四營之例而我
之將官皆不肯出一言以禁之不惟不禁之而
已亦從而爲之導焉亦從而爲之誠烽侯焉不
幾令遼東地面盡爲夷虜獵場而流害庸有已

乎哉伏乞

勅下兵部覆議亟將慶雲堡遊擊林宗舜革任回衛
以爲踈縱玩虜之戒遺下員缺速行推補庶人
心知所畏懼而邊防益加嚴肅矣緣係將官縱
虜內地圍獵乞

賜議處以重華夷大防事理未敢擅便爲此具本
專差承差徐國輔親齎謹題請

旨

萬曆三十八年五月初七日

奉

聖旨兵部知道該本部覆奉
聖旨是

請告疏

奏爲思親病劇勢已阤危籲

天哀憐准放回籍以全孤命以慰孀母事臣六年司
理三年水曹仰蒙

聖恩拔在今職又蒙

特選昇以今差凡有所言朝具疏而夕

報可又使臣得以行其微志感

恩圖報臣何敢愛死故雖今春無日不病猶自忍死
以待新撫鎮道之至而不敢以病

請也。忽今月初，臣母在籍訛聞達虜，及亂不知臣身

消息，終日在家哭泣。特遣一家人到京問信。臣

鮮兄弟止有九歲一兒，纔學寫倣其家信。乃是

臣母口授，臣兒手書，句不成，字不成，字却是

一句一痛，一字一淚。臣讀未竟，不覺放聲大哭。

嘔血數碗，暈死在地。吏書擗擗上牀，半日始甦。

嗟乎苦乎，胡爲而使衰年孀母憂哭至此乎？臣

父母止生臣一人。臣父早背，自臣出仕，十有三

年，不得過家一掃。荒墓生無以養，死無以祭。臣

已不得爲人獨幸迎養孀母朝夕相依爲命而
臣母老年愛子每飲食非臣在側輒不甘不飽
前年在京一病半載滿擬得差將送南還不圖
疆事逼迫一別到今忽已一年零十箇月音問
渺然臣母如之何而不思臣也家信云汝往時
公事在外一日不歸我嘗望汝一日到晚些小
疾痛我嘗守汝徹夜不睡汝今圍在達子窩裏
不得還鄉教我如何消遣我今爲汝兩淚俱竭
臣母之思臣如此臣如之何而不慟哭嘔血也

數日以來飲食不思晝夜不寐心火上衝頭暈
目眩喘嗽大作遍體發熱精神恍惚如喪魂魄
賢官周騰蛟等咸謂臣病在心難以藥治隻身
絕塞自病自憐寡母孤兒轉想轉懼臣不懼死
在邊疆無以歸獨懼臣死而無如孀母何耳伏
乞

皇上憐臣病勢危急

准臣回籍調理免候交代倘得痊愈少延殘喘全臣
一命是卽全臣孀母之命

皇上再生之恩

天高地厚而臣狗馬之齒尚壯其於圖報亦有日矣

臣力疾望

天叩顙臣不勝涕泣待

命之至緣係思親病劇勢已沾危顙

天哀憐准放回籍以全孤命以慰孀母事理未敢擅

便爲此具本專差承差藥廷槐親齎謹具奏

聞伏候

勅旨

萬曆三十八年五月十六日

中協副將患病疏

題爲衝邊將領病勢危篤乞

准回籍調理併乞

速賜推補以保危鎮事本年五月十五日據遼東中

路副總兵官秉忠呈稱竊照本職才本庸愚志

向褻革於萬曆三十四年十一月內蒙起補協

守甘州副總兵繼而更調協守薊鎮東路副總

兵復又更調協守遼陽中路副總兵本職見得

遼陽遭罹蹂躪殘破已極聞報卽率妻孥兼程

勇往出關並無疾病於本年前三月內到任志
期竭効驚鈍以圖消報但營伍廢弛兵馬疲憊
日逐操練教演火器兼以屢報大虜聚結犯搶
本職帶領內丁標兵沿屯收斂人畜日無暇時
因勞逸不均致令脾疾舉發每食卽吐比時猶
能勉強支持又於四月初六日忽報大虜入犯
長勇等堡地方本職卽時統領主客官兵截殺
當時窮追渡河陸道致將衣甲濕透遍身皆起
瘡痍而前疾因馳馬飛逐愈加返胃嘔吐見今

醫官周騰蛟調治月餘服藥罔效比前尤爲沉重卽今形體尪羸行步艱難切思遼陽何地此時何時協守乃領兵之責時不可缺而使病夫臥疾治戎求其不致敗事難矣合無請乞本院軫念地方孤危速賜題

請另選才勇官員管理中協兵馬事務俯准本職回籍調理庶邊疆有賴軀體得以生還緣由具呈到臣該臣詳批官副將勛勞

王事驟得此疾勢已萬不可留除會

題回籍調理外分守道速詳的當官員代署協務
此級續據帶管分守道事海蓋道副使閻鳴泰
呈稱爲照副將官秉忠壯畧沉猷真腸烈膽當
營伍凋敝之後整頓一新值虜酋環伺之時隄
防百至履任未及三月一戰遽挫狂鋒終朝當
馬而食詎止一塵不染達旦枕戈而寐誓將九
死不回孰意河東倚藉方殷突爾二豎爲孽蓋
緣勞瘁傷脾故致胃脘翻溢似非旦夕可療之
症難持進退不決之疑必令解組於今朝庶望

有生於異日旣蒙會

題回籍調理所據協營事務一時不可缺人查得
廣寧左翼營遊擊郎名忠勇畧過人騎射獨擅
拊摩最能得士抒籌更裕覘敵委署協營極爲
的當合候詳示行令本官署理一應事務候新
官至日徑自交代緣由呈報到臣除詳批郎名
忠署理營務外輒投筆而嘆官秉忠之命與遼
之氣數也秉忠壯烈人也雄風勁骨慷慨有膽
臣一見而偉之凡營堡一切獎壞事宜向之所

亟欲整頓而苦於無人者一一付之秉忠而秉忠亦一一任之不遺餘力屬其時沿河虜衆數萬日窺遼瀋遼陽城中獨臣與秉忠兩人耳臣於此慮多則備不得不多備多則事不得不多事多則責成秉忠者不得不多而臣性又緊臣法又嚴臣既唯恐纖毫之有失於地方而秉忠亦惟恐纖毫之有失乎臣意以此終日終夜忘寢忘飧任怨任勞拚官拚命數旬之內軍馬器械操練收歛哨防設伏等項無所不改觀無所

不周備而秉忠之病根伏矣。四月初六日，長勇之役，秉忠不介馬而馳走險渡，深唯敵是求，不知饑飽，不知勞竭，而秉忠之病形見矣。問何病，曰：翻胃，日食幾何？曰：粥兩盞，吐幾何？曰：半。臣乃始驚憂無已，諭令暫假，趁早調攝，而秉忠以虜未退辭也。再越數日，而秉忠之病勢深矣。臣諭如前，秉忠辭如前。臣命醫官諭之，又屬閫副使王總兵萬副將等諭之，而秉忠之辭終如前也。又越數日，而秉忠之病狀襍出而蔽矣。臣見而

泣下曰本院愛遼故愛該協性命該協與其爲
遼數月副將孰若自愛性命長爲遼副將秉忠
亦泣下顧猶有勉強支撐之意及又越數日前
食盡吐大便不通外不入內不出始悔不遵臣
言而狼狽至此也其爲地方則已盡而其自爲
則已晚矣嗟乎遼將全軀保妻子者往往而是
孰有真心實力不避勞怨如秉忠者孰如奉公
憂

國不愛性命如秉忠者假使天爲之祐無疾無病

任協二三年何患軍威不振何患夷虜不畏乃
僅僅三月而一病輒至此豈非遼之氣數而秉
忠之命交會其阨耶此臣之所以投筆而嘆者
也臣謹會同總督薊遼保定等處軍務兼理糧
餉經畧禦倭都察院右都御史兼兵部左侍郎
王象乾巡撫遼東地方贊理軍務兼管備倭都
察院右副都御史楊鎬議照遼陽協守官秉忠
四任副帥威名久著於西陲三月協戎功蹟頻
新於東塞當地方得一勇畧之將上下方倚爲

長城乃造物偏妬任事之人陰陽忽邁此奇患
遂使英雄不收夫全效益令偷怯取笑於徒勞
豈惟伊生之不辰抑亦此方之鮮福雖本官病
勢已劇猶懷馬革裹尸之圖而本鎮秋防已臨
復是狼煙驚眼之候臣等既爲該將全他日再
用之軀又爲地方覓他人早備之地惟有速速
聽還一着耳伏乞

勅下兵部議將遼東中路副總兵官秉忠回籍調理
俟病痊之日查理舊勞新叙卽以原官從優起

用遺下員缺速揀推謀勇真實肯任事者一員
前來料理秋防事務庶本官早得以生還而地
方預有所準備矣緣係衝邊將領病勢危篤乞
准回籍調理併乞

速賜推補以保危鎮事理未敢擅便爲此具本專差
承差馬登瀛親齎謹題請

旨

萬曆三十八年五月二十八日

論援兵疏

題爲病中聽撤援兵深恐虜窺虛實乞

勅當事慎重無以人言遽速邊禍事臣移疾近關陸
續見兵科二疏語意牽纏病中三四讀尚不能
通曉臣已置之不與論惟是近得督臣王象乾
書大略謂長勇之役各將以少禦衆堵回大敵
量與

題叙亦不過賞錄姑示鼓舞以作將士之氣豈其
無斬獲實功而遽敢冀幸

恩澤不意兵科復爾督過至於援兵一節自去歲迄
今撫鎮道將書檄絡繹不絕方行調發兩年來
遼左頗藉其力今科疏又復云爾謂臣旣堅志
冥鴻而伊亦行將爲歸田計西兵留之於遼誰
復肯爲作主不如盡數撤回送還各鎮而以遼
事聽之言者之收拾主持臣讀之未竟不覺倚
枕驚嘆曰此何時也而可撤兵乎虜雖北徙而
目下蠟退且至拱宰雖受款而歹剌等酋尚在
窺伺奴酋雖退地不過以一山溝給我併無悔

罪輸誠而秋冬冰結又是西虜大舉遼海時候
卽再加調發猶懼不濟曾是區區見在者而可
撤乎夫遼兵之弱其來久矣自督臣調發西兵
來援氣色若增而壯焉西保寧前東防遼開何
者不賴其力臣今春遣官易芻輓粟分給食用
第扣應得糧料還官不聽與民爭易而又以重
法約束之地方寂然若不知有援兵者何至以
毒藥遺患臣曾移書督臣謂遼協兵素怯不能
旦夕振雖有新兵一千六七百人頗精壯今尚

在宣大買馬不得騎操不如借援兵力多住年
餘一面支持虜患一面與遼軍合操使之學習
西邊戰法俟軍氣漸強夷情漸定然後撤還方
爲妥帖時督臣深以臣言爲然且先已開單咨
部再欲有所徵調以厚集其力而樞臣移書與
臣亦言以新餉養援兵庶可得目前之用尤勝
於新集烏合之衆大氏所見皆同蓋應急之法
不得不出於此正唯此輩慣戰能衝鋒破陣而
非徒以齒牙博得之餉奉此逐隊隨行之物也

果如科疏曰西將不習也必將皆土產然後可
曰廢將不威也必將盡部除然後可曰援兵遺
患也必有事不調防不入衛然後可曰當用隣
鎮見任將也必薊門諸將官各舍其地方之責
而爲我領援兵然後可此等議論卽該科亦自
以爲窒礙直是有心抑損使邊臣用一人不得
使一卒不得束手與懦并弱軍共盡而已得旁
觀其敗美文墨爲愉快耳顧如

陛下之封疆赤子何耶督臣身任重寄生死在一身

成敗在地方安危在

宗社一切調度當悉聽之不宜一一阻礙茲不徵發而致失事既以失事議之徵發而免於失事又以不失事議之在督臣處此甚難計不得不一撤以謝科臣所恐此兵一撤遼陽開原驟虛東西虜聞之必乘機太入入則素怯之兵新集之衆必不能抵當而屯堡男婦必再遭長定之慘當斯時也獨令督臣當咎無所不可而遼亡無日矣此臣雖病而一日不歿不敢忘其憂者也

唐李德裕節度西川時牛僧孺與交怨數從中沮其事議歸諸道兵勿留屯蜀人恟懼德裕奏留鄭滑五百人陳許千人以鎮蜀且言蜀兵脆弱新爲蠻寇所困皆破膽不堪征戍若北兵盡撤與先失事時何異蜀不可保今朝臣言罷兵者蓋由禍不在已委難於臣望人責一狀留入堂案他日敗事不可令臣獨當國憲由是兵得無能而德裕始得藉以安蜀今遼左孤危何如西川東西虜孰何如南詔臣願督臣暫留援兵

爲途支撐目前爲輕言撤爲虜所窺必不得已
猶願疏乞

陛下責科臣一狀於

御前無令他日敗事獨罪督臣以下諸臣而且牽搭
臣不休也伏惟

聖明裁鑒

勅下兵部酌議施行緣係病中聽撤援兵深恐虜窺
虛實乞

勅當事慎重無以人言遽速邊禍事理未敢擅便爲

旨

此具本專差承差徐國輔親齎謹題請

萬曆三十八年六月二十一日

再請撫賞疏

題爲夷市秋期已臨賞銀候

旨未下懇乞

聖明速賜檢發亟行酌處以保危鎮事准巡撫遼東
地方贊理軍務兼管備倭都察院右副都御史
楊鎬會稿該臣以六月初六日莅廣寧惟時各
道臣咸在焉與之計議安攘靡不感額而譚撫
賞之銀所宜亟

請者臣竊自念責在巡撫地方而地方凋敝之極所

當隨事拊摩責在贊理軍務而軍務廢弛之極
所當逐營整飭如不圖制虜而先圖款虜不求
邊備而先求帑銀臣卽怯懦臣實耻之兩月以
來焦意寒心不遑夙夜民瘼軍政麤布紀綱而
秋已漸高矣隨牌行各道查所屬市口幾處係
何年奉何文開設後至何年因何事斷革又至
何年奉何文復開要見某市一年用銀若干共
約用銀若干內除各市抽收稅銀及夷馬價銀
支用外仍該不敷銀若干其開原秋賞雖未定

額大約該若干、虎墩兔憨大賞、儻亦今秋來講、大約又該若干、前曾會題是否的數、逐一查議、明悉詳報去後、今據分巡遼海東寧道兼理廣寧等處兵備右叅議孫敦化呈、稱本道以秋防在邇、遍歷邊堡、整理守禦、又搜括庫貯、以備撫賞、用示羈縻、乃見庫貯全虛、食不下咽者數日、蒙查本道鎮靜關市、設於成化初年、以至於今、革而復復、而又革、革而又復者不一、總之夷情之畔服何常、而款戰之機、宜難執自二十九年

以至三十六年、夷人生齒日煩、而箭賞漸增、數倍以故、始而取給於木馬之稅、已而扣留五道馬價、迨其後、頭緒愈多、支撐愈難、又不得已而借馬價、貸江南、以生子銀、雖爲一切苟且之法、實爲目前救急之術、乃今馬價有嚴禁、而子銀又悉停矣、本道屢屢呈請、業蒙會

題伏聞部議所

請二萬、總括遼鎮扣留及市稅等項、僅逾四萬、乃近日市稅細微、又難作爲實數、而以前市賞載在

往籍彼夷歲據爲例誰敢減之廣寧一道市口
三處一鎮靜堡市口係五路爪兒兔以兒鄧黃
台吉青把都等酋領賞一年賞物并食用約用
銀二萬八千三百三十餘兩一大康堡市口係
鎖開索令小歹青等酋領賞一年賞物并食用
約用銀六千八百餘兩一大福堡市口係拱兔
等酋領賞一年賞物并食用約用銀一千九百
餘兩此與前報稍有不同者以小賞及鍋口羶
條守宿牛隻等項原未議入大約一年非得四

萬必不敷用若虎墩兔愁大賞則咋舌不敢議矣此全遼安危所關

廟堂之上必有遠見石畫等因又據整飭寧前兵備右叅政馬拯呈稱查得寧遠興水縣堡中後所高臺堡二關口於萬曆二十九年開復木市撫賞起至三十六年十二月二十四日自杜總兵殺欵之後各夷歸巢至三十七年各夷復叩關乞賞准其復欵補其歷過賞物外其拱兔一枝在寧遠興水縣堡市口領賞一年賞物并食

用共銀二千餘兩徠暈大一枝在中後所高臺
堡市口領賞一年賞物并食用共銀三千餘兩
二市一年共約用銀五千餘兩及照夷人運木
稀少抽收稅銀不足供市夷食用原係動支廣
寧庫原扣留寧前應該馬價撫賞今馬價既奉
文不許動支合無請乞俯准

請發帑銀每年五千餘兩以濟撫賞之用等因又據
整飭開原兵備僉事高折枝呈稱照得開原設
有三關兩市以款東夷西虜其來舊矣然從未

設有撫賞正額皆就兩市抽分銀兩而以夷馬銀肉臟銀貼之蓋量入爲出極力支持後雖漸增煩費尚亦借支不多惟自三十五年至三十七年除用過抽分銀二千六百五十七兩四錢夷馬銀七千二百六十兩四錢外又借支馬價銀一萬八千一百一十六兩五錢總計三年撫賞用銀二萬八千三十四兩四錢蓋一年用幾一萬今又計以秋賞勢非二萬金不支在庫夷馬銀肉臟銀既無分毫卽馬價銀亦餘無幾而

夷人方執成例以乞索不照例與之則將失異俗之和必且起釁一一如舊例與之則巧婦不能做無米之炊卽春賞難措况又加之秋賞乎今將三十四年至三十七年每年撫賞東西虜夷段布銀牌及牛驢鍋鐸等項併酒房委官使用銀兩逐款開造逐年比對撫賞大壞難挽經用極苦難支一覽便見懇速裁酌以便遵守等因到臣臣因卷查本年閏三月二十八日該前撫臣李炳按臣熊一本爲營馬凋殘軍威

削弱謹援例冒懇

天恩憐給寺馬以濟危鎮秋防事會

題去後蓋因請免寺馬奉

旨詰問馬價那用撫夷是否舊例遂歷陳馬價專備
正支馬價既備正支遂不得不另請撫賞先據
各道用過數目以四萬四千計蓋皆馬價子銀
奏以木馬稅銀而稅銀今且半減矣此外虎墩
兔憨大賞與開原未定秋賞以及協濟驛遞搭
放軍餉撫鎮操賞等項九千餘兩亦取足於市

馬子銀者猶未明白拈出乃其喫緊在借宣大以例遼若謂

京師以遼爲左臂以宣大爲右臂所稱重鎮同也宣大以款市多年士馬器械無一耗拆城堡險隘俱皆完固與遼之單弱無可恃者甚相懸矣遼則建州海西等夷跋扈於東偏迤西則福餘泰寧朶顏三衛酋長以百十數強兵以數十萬爲故元之裔土蠻之孫今所稱虎墩兔憨者之所總統其勢日張較宣大之掩荅部不啻過之

在宣大有正項撫賞銀二三十萬兩遼顧苟且
那用馬價四五萬而不可得而故以撫賞正項
之銀請此非細事也蒙

旨下部已經覆請數月以來未

賜綸音計夷人秋穫欲畢正其糾集思逞揮戈躍馬
之日

皇上得無以邊臣禦虜不聞擣勦奇略而但撫賞是
乞乎夫擣勦正矣而將不得人禍更烈也遠者
勿論卽如杜松哈流兔之役妄殺款夷一百餘

級致拱兔剋我大勝堡殺掠數百人而去猶留
不結之局貽之寧前道臣馬拯拯蓋拮据三年
憂勤萬狀頃以復款完事報臣臣以事完在四
月之間又撫賞之數愈額至一千五百兩之外
疑有將官私爲姦利者駁查去後復造冊通詳
多用之數係狹拱二酋各應得三季之賞又講
折年餘之久往來供給之費而以千餘之銀爲
堡民保千萬性命卽一官一身所不顧者又孰
如杜松殺款夷因殺全堡數百人且挾數千金

無恙以歸乎一開釁而結局之費如此擣勦固
不易言也

皇上又得無以欸撫多費不如罷欸之爲便計乎遠
者亦勿論二十三年開欸矣二十七年復罷至
二十九年又復開其間利害灼然惟二十三年
之欸乃虜惕於高平之威屈於拴道之辱相戒
於把免伯言之戰死抄花花大之大敗彼來求
我我則甚逸故不勞官錢止用市稅其後則增
箭爲例積習難遏速釁招兵誰能任者卽近日

大茂之攻反青亦以杜松所殺有彼夷人爲詞幸其失利而去又復詭言求撫亦已陽示斷絕陰思創艾而審時量力難遽出車薄伐爲堂堂之陣也

皇上又得無以戰旣難言欸又難已姑聽本鎮自爲設處撫賞而愛惜於中帑之捐乎臣自到任清查廣寧庫藏除馬價與新兵銀兩不許那借餘皆零星稅贖又不堪那借者臣曾查修各處邊堡在開原道以應修慶雲等八堡該鹽菜一千

六百兩爲請臣僅搜查紙贖六百兩應之餘則批待續處而遼陽道之所應修者長安等七堡寧前道之所應修者永安等七堡并廣寧道所屬錦州裏城大壞戚家堡土城未包以及大茂堡牽馬嶺諸處見在議修費更不貲尚不知所出蓋臣下一檄而督工各道亦投一牒而請價臣患束手閣筆無以應之而况撫賞各夷該用數萬之多能得之於蕭索之遼鎮懸罄之庫藏乎各道調事急矣無已則須用新兵銀以支目

前而又不免犯那借之大戒夫與其開之以必不得已之那借而使法令不行孰若與之必不可少之正支而使畫一可守不然者醜類呼羣放兵四劫傷剝必多脅而與之費且益侈無寧蚤發而預待之爲便矣臣又查撫賞之濫在廣寧則大壞於守備郭濟川已經追贓正法在開原則大壞於備禦林宗舜見今行牌究問此後各市口春秋撫賞必須屬之將官監以道臣舊例所載者固難頓減以招怨例外求索者毫無

增加以損威固守一定之規庶免濫觴之患又必以其餘力亟飭內備備無可虞然後戰歛之權得操之我而今當蠱壞之極革故之時有比而畜之之義損而益之之理故勢有不得不復懇之

皇上者等因會稿到臣爲照撫賞一事今年閏三月內曾經臣與舊撫臣李炳援例會

題伏蒙

皇上慨然下部覆議

上請正恭候間而增撫賞以媚虜之說出矣今撫臣有文武才固嚮者守遼時所稱擐甲臨戎殲虜於拴道者非諱戰者也來填兩月晝夜拮据何以不懲於款之數見誤卽奮其犁庭掃穴之志如科疏所言也者而顧懲於杜松殺款之役汲汲焉亦羈縻之是務何也蓋誠權利害於二十年來戰款開罷之間而重惕於開釁之近禍也其以稿會臣復移臣書曰遼東弛廢之久醜虜陸梁之極此時不因仍於款卽欲圖戰圖守而

不可措手足蓋戰無必勝之勢徒以士卒委鋒
鏑守無自固之備徒以堡砦待攻圍危道也故
目前只得就款爲先着而庶無妨於孜孜戰守
之計夫孜孜爲戰守計而其法不得不先出於
款是則地方之急着撫臣之深圖而臣之申明
款議固已有成言於前矣若槩疑其爲媚虜而
復靳之臣固科臣所謂局外之人利害不相關
者而撫臣身任封疆亦何以爲遼計而紓

陛下東顧之憂乎臣謹會同總督薊遼保定等處軍

務兼理糧餉經略禦倭都察院右都御史兼兵部左侍郎王象乾巡撫遼東地方贊理軍務兼管備倭都察院右副都御史楊鎬再疏披陳冒瀆

聰聽伏乞

勅下兵部照今廣寧分巡道議該撫賞銀四萬兩寧前道議該撫賞銀五千兩開原道議該撫賞銀二萬兩並前議未及協濟驛遞操賞等銀九千餘兩共約該七萬四千餘兩再加酌量速行議

欽定四庫全書
卷三
處給發以救燃眉危鎮幸甚臣等幸甚緣係夷
市秋期已臨賞銀候

旨未下懇乞

聖明速賜檢發亟行酌處以保危鎮事理未敢擅便
爲此具本專差承差夏國寶親齎謹題請

旨

萬曆三十八年七月二十二日

再論修屯疏

題爲遼救已極遼人已空謹按四十年來邊情大略再申膚見乞

勅當事懲前規後修舉本務以保子遺性命事臣惟遼左今日之患莫大於無人夫遼非無人也土沃而民聚向嘗稱庶矣自萬曆四年七年十一年受虜而寧遠前屯之人盡自萬曆五年八年九年十一十四十五二十二十六二十七受虜而錦義右屯廣寧之人盡自萬曆二年四

年八年二十七年受虜而開鐵汎懿之人盡自
萬曆二年三年十年十一十三十七十八二十
五年受虜而遼瀋迤北之人盡自萬曆五年六
年十八十九二十一年受虜而遼海迤西南之
人盡間有存什伯於千萬者邊吏又不爲之保
護聽虜節年檢拾無遺雖使造物能生人遼人
善育人而歲計所產不抵所掠遼於是乎無人
矣自遼之無人也舉族被虜而補軍不得田土
拋荒而徵糧不得補軍不得則墩軍盡不得不

貼以堡軍堡軍盡不得不貼以營軍而營軍又漸盡矣微糧不得則額糧虧軍食自不得不乏軍食乏京運自不得不多而京運且不至矣始不得不議增軍以通勾軍之窮而及其增也又苦無人之應募始不得不議增餉以通額餉之窮而及其增也又苦後來之難繼說者但謂軍不必增一清軍而軍足不知遼之無人可勾也但謂餉不必增一清餉而餉足不知遼之無人辦餉也遼於是乎益不可爲矣此臣所謂今日

之患莫大乎無人者也而問其所以無人者何也邊臣好邊功以開釁棄邊人以償仇本務不修而以人予虜也臣愚不諳時務竊謂今日存遼之計當以保人爲第一義而保人之計莫先於實內與固外實內之事非一而屯田積儲爲大固外之事非一而修邊併堡爲大去年蒙皇上允行臣議今年猶蒙

聖心記憶於常平疏中

批下查催而邊臣泄泄從事不以爲意得無調搏弄

見在人馬便足支吾虜患而或搖於主戰之說
猶冀得一間覓首功而誇張之如往事若然者
而臣恐殺掠不盡之人更以一戰盡也則何不
取四十年之戰法與虜禍而一一觀之蓋自隆
萬以來攘臂搗巢而人驚於戰功矣當是時我
搗虜虜報我輒過當二十九年以後我不搗虜
虜亦不大犯我三十六年我復搗虜虜又復報
我此戰之左券也搗巢之役初得意於東隅而
終輿尸於西塞大帥敗亡全師覆沒不能復出

塞者十年而後乃有搗於邊堡之事此戰之變局也臣請始自李成梁終於杜松編年序略以爲遼鑑隆慶五年十一月有清河搗巢之捷六年三月出鎮安搗巢萬曆元年三月出鎮西搗巢二年九月虜五百入大定我軍戰敗十月有白龍山搗巢之捷是月虜入鎮北三日以四萬報十一月入平虜三日以二萬報三年正月入長勇三日以六萬報是月我軍出鎮遠搗巢十一月入平虜四日以四萬報我軍戰捷獲首虜

二百一十級。官軍二百七十五員。各四年三月出大清搗巢。六月入大清。以一萬報。十月入慶雲。以二萬報。我軍戰敗。十一月入高臺。以二萬報。五年三月出鎮西搗巢。五月入大勝。二日。以十萬報。入鎮靜。二日。以十五萬報。十一月入東勝。三日。以四萬報。十二月二千入瑞昌。我軍戰敗。六年正月有勞山搗巢之捷。十二月入東勝。三日。以四萬報。是月有養善水搗巢之捷。七年十月入新興。三日。以五萬報。十二月有紅土

城搗巢之捷八年二月有鴨兒匱搗巢之捷九月入慶雲以十五萬報十月入大定六月以十九萬報九年正月入錦州二日以二萬報二月有燠郎兔搗巢之捷四月入十方寺以一萬報入汎河以四萬報入長安以一萬報我軍戰敗入上榆林以二萬報十月入鎮安六日以三十萬報入鎮靜以二十萬報十年正月入上榆林六日以十萬報二月有古勒寨搗巢之捷九月有曹子谷搗巢之捷十一年五月入鎮靜四日

以五萬報九月入前屯四日以二萬報十一月
有圈門搗巢之捷十二月入瀋陽八日以十萬
報入前屯以三萬報十二年三月有興中搗巢
之捷十三年二月入懿路二日以一萬報三月
有打大搗巢之捷五月三千入靜遠遊擊敗歿
閏九月入上榆林三日以六萬報是月有古路
半那林搗巢之捷十四年二月有可可母林搗
巢之捷十月入鎮夷五日以八萬報十五年二
月出東遼河搗巢四月入鎮武以一萬報十月

入鎮夷六日以十萬報十六年有十寨搗巢之捷十七年二月出鎮遠搗巢九月入平虜八日以三萬報是月出大安搗巢敗績十八年二月入長勝四日以五萬報是月有鵬背山搗巢之捷八月一千入瑞昌我軍戰敗十月入長勇八日以二十餘萬報十九年閏三月我軍出鎮夷搗巢敗績十月入長安四日以七萬報入錦川二日以一萬報二十年二月一千入大福遊擊千把總俱敗沒二十一年正月入東勝二日以

一萬報二十二年正月入大定六日以六萬報
七月入鎮靜四日以二萬報十月入鎮武五日
以一萬報我軍戰捷獲首虜四百一十八級
官軍一百四十五員名入義州九日以八萬報
二十三年正月有拴道搗巢之捷九月七千人
新興我軍戰敗二十四年閏八月入鎮安二日
以二萬報二十五年二月出鎮西搗巢叅將遊
擊敗沒十一月入瀋陽九日以十萬報二十六
年四月出鎮遠搗巢總兵叅遊俱敗沒六月五

千入仙靈寺我軍戰敗九月入大清八日以八
萬報入上榆林三月以一萬報十一月入大鎮
四日以四萬報二十七年閏四月入大清以一
萬報我軍大敗六月入慶雲以一萬報我軍大
敗九月入義州以十萬報又四千入寧遠副將
敗歿十月入曾遶二日以一萬報二十九年九
月入慶雲五日以二萬報三十一年入鎮安以
一萬報三十六年十二月出長嶺搗巢獲二十
六級殺堡內降夷一百二十級三十七年三月

五千人、大勝、陷之。七月、五千人攻長嶺。十二月、三千、搶長定以上小虜數千百計者、月無虛日。不悉錄錄其與戰敗者、此四十年遼事大略也。每見我軍出境、輒俘獲一二千計。我置兵一二卒、而平虜高平之捷、爲境內所罕見。若其陣亡、乃半、且浮於首虜何也。境外襲取易、而境內堵截難也。每見揭東夷、今年二千、明年千數百級、終不敢一報。而揭西虜、輒報報、輒殺掠、無笑不堵、不追、而反趨海建、取償於東、以報捷何也。取東

夷弱易而取西虜強難也每見大虜以數萬二
三十萬人寇我軍幸皆少陣亡而間與小虜千
百騎戰屢屢亡至二三百人何也有戰有不戰
也近見虜以五千人大勝三千人長定僅三時
而陷一堡殺掠千數百人及查往時虜常以二
三十萬搶五六日十餘日而殺掠僅滿百或不
滿百人者何也有報有不報也故觀於四十年
之戰法而後乃知戰之不易也觀於四十年之
虜患而後乃知今日之不如往日甚也觀於四

十年戰歟之故而後乃知其爲搗之數見誤非
歟之數見誤也觀於四十年無人之禍而後乃
知犁庭掃穴之不能使遼有生氣而反無生氣
也戰何容易言也况萬曆初年

國家尚無倭李播州之役地方尚無東征稅使之
害府庫充盈物力饒足而一時宿將驍下又不
乏人此能戰之時也而其戰法已如此豈以今
日之物力兵力反能犁庭掃穴而超出於四十
年戰法之外臣有以知其不能也不能超出於

四十年戰法之外而再遺四十年無人之禍於
往後之年使無之又無以至無人盡臣有以知
其不可也戰何容易言也然則今日之計何適
而可高城深池息民養士外固封守內務農田
蠲其煩苛而簡其文法虜來則拒而去則勿追
而一以生聚教訓爲主此臣之所謂以守爲戰
者也誠如臣修屯之說得行深吾壕高吾牆以
扼虜於外併小屯爲大屯適中建堡環築壕牆
以收保吾人於內厚儲多蓄以飽士馬於平日

而又選將練兵大修火器戰車以備堵截於臨
時由是而小虜以鼠竊鵬搶至也必有所憚而
不敢入卽入矣而填壕掘牆必稽遲而不得遽
入留其半以守口而不敢全入比入而吾民早
已入堡壯士早已登陴虜自度不能速得志於
堡則偏索諸野又無所得而衆少又不敢過夜
且慮我截其所入之口而不敢不速出不待我
軍之驅逐而亂馳過日中遁矣何待戰由是而
大虜以數萬至也扼於我之壕牆而不能一蹴

越也困於我之城堡而不能旦夕下也堡民但爲我堅守一日而各路官軍至矣虜見吾官軍至必解圍而合衆以衝我我勿與浪戰也晝則環戰車爲方城層列火器擡營而前直薄其壘夜則以大砲驚擾之虜欲掠而吾野已濤欲戰而吾壁已固欲相持而畏吾火器存割不佳三日不得利而氣奪退矣退而尾之爭口而出必亂亂而擊之則利在我矣何至不敢與之戰虜見小入之如彼大入之如此而皆無所利也且

受挫焉且失賞焉必貪吾餌而不能不搖尾乞
憐以求我我則順其欲而因以制之不過絕以
激忿若復狂顧反噬以侵我我惟據其險而坐
以困之不遠出以倖功任虜之去來順逆我皆
待之於境內握之於尊俎而進止欵戰之權無
一不操之於我由是戰也可不戰也可謂之善
戰也可謂之諱戰也亦可此臣之所謂以守爲
戰保人而存途者也詩曰城彼朔方易曰王公
設險以守其國此以守爲戰之說也臣嘗謂修

屯之利極大屯田之利六已見於臣之前疏矣
至於修邊築堡有十五利焉虜騎不得決驟一
零賊或什伯或千騎不敢輒窺邊省境外無時
之備二墩軍得牆爲恃登臺覘敵烽火嚴明不
致失悞軍機三虜掘牆填壕我得預知爲備使
虜無所掠四本堡軍民自足拒守賸下營軍合
操免分散貼防而益其寡五虜入有時有鄉軍
馬免游防奔馳之苦六行旅無禦人大道之懼
營軍無空壁護送之煩七士馬得閑操練養精

畜銳以待戰八軍不死於饑疲而軍伍自壯馬
不歿於奔馳而馬價自饒九虜憚我備嚴不敢
要挾而款益堅撫賞之費益省十居民安心耕
牧人畜禾稼無鈔略之虞十一聽人自爲收歛
不但可省髮髻錢而且免達羈城郭得婦子饁
耕之便十二邊人弓矢之勁膽力之壯過於營
軍若使據險人戰家守亦可助我兵威而杜虜
之覬覦十三民鮮畏虜塞下田不待軍屯而告
墾者衆漸可足食足兵十四邊人骨肉相保亾

係累之患每歲存千萬人爲遼儲軍爲

皇上守邊十五以此之利整衆何衆不武以此之利
禦虜何虜不却以此之利安邊何邊不寧而反
是者害亦如之邊臣試自忖籌邊之略凡所爲
兵馬錢糧器械戰陣等務有一不出於臣之所
議者哉假令不出於臣之所議舍其十五利就
其十五害而能兵強馬壯橫行絕幕收犁庭掃
穴之功者哉則臣言又焉可以忽乎哉蓋臣嘗
思之人力強盛之會攘外乃能安內則當先戰

而後守人力衰微之時內虛益受外守則當先
守而後戰此戰守先後之序也實內之事重在
修政則當先內而後外固外之事重在設險則
當先外而後內此修邊屯田先後之序也河西
自關以東前寧錦義正安鎮武一帶河東自瀋
以北蒲沱開鐵一帶村屯已盡虜覲吾邊堡則
邊堡爲重自瀋以南遼陽海蓋一帶人居稠聚
虜覲吾村屯則民堡爲重凡中路驛遞城舖在
廣寧之間陽十三山凌河一帶得錦義爲外蔽

似稍緩而村屯依焉則當視與民堡並重在寧
前之高嶺沙河東關曹莊連山一帶去邊僅尺
尺地最稱急而軍民依焉則當視與邊堡並重
在遼海之甘泉鞍山長店南沙河虎皮北沙河
一帶去邊三五十里在緩急之間而遠近居民
依焉則當視與邊堡民堡並重東邊除臣已修
過六堡外其新莫永莫孤山鹵場灑馬吉散羊
谷馬根單東州會安白家衝三公撫安柴河松
山靖安威遠等堡皆東夷所窺伺則當視與迤

西邊堡並重、湯站、鳳凰城、鎮東、鎮夷、甜水、威寧、
奉集、析木城等堡，皆東西夷所常犯，則當視與
迤西民堡並重。此邊牆城堡先後之序也。前寧
錦、義正、安鎮、武等處，千里甌脫，不容大舉，而閭
陽、十三山、右屯等處，爲必受之區，則重蒲河、汎
懿、開鐵等處，一望丘墟，不容大舉，而遼瀋、海蓋
等處，爲必受之區，則重河西。雖受大舉，村屯猶
落落而遼瀋、海蓋人財輻湊，爲全遼根本之地。
又值虜朝夕垂涎之時，則尤重。且急察其重者。

而厚集其力、察其急者而早圖其備、察其尤重
且急者而舉全鎮之力以從事、此又修防先後
之序也。善治邊者、先觀大勢之所在、想定一規
模、然後酌其緩急輕重而先後出之、則目前既
可應急而不忙、將來益得收功於有永而不然
者、徒出於苟且補葺之計。今日補一鐻而明日
之鐻又見於此、補一綻而於彼之綻又見、縱使
搏美人馬如熊、如羆、如虎、如龍、而以八萬之兵
散於一總兵、三協、守二十一叅遊、二十四備守、

一百二十一堡官二千三百餘座墩臺之下而
又有塘撥差調必不可少之役計一將手下人
馬所領追堵者實得幾何虜以二千入而一路
窘一萬人而隣路窘三萬人而全鎮窘曾何益
於多寡之數而況乎其終不得如熊如羆如虎
如龍也者則柰何遂以此盡邊臣之能事而置
修屯本務於不同也去年部覆臣疏修邊一節
欲待西虜受矧廷夷弭伏之後軍有餘暇再爲
後圖此誠老成之深慮臣敢不服但恐西虜欺

我無險終無款時建夷因我受欺於西終無弭
伏時軍士益疲於防調終無餘暇時耳臣無兵
權者也去年獨用河東人力猥修墻壕六百餘
里堡城七座墩臺九十餘座維時西虜正報仇
建夷正領七千騎入靖安五千騎入撫順非受
款弭伏之後軍有餘暇之日也然且爲之無恙
正唯虜未款伏調人馬在邊舉防虜修工而兩
得之不令高坐城中太暇也豈以督撫鎮道之
兵權闔鎮之全力而反待款伏聽緩急之節制

於虜耶正統間遼虜猖獗守將屢失機遣都御史王翱經略甫踰月躬出巡邊自山海直抵開原築牆垣濬溝塹屯堡烽燧千里相望人樂戰守遼人至今稱其功於不衰夫以守將屢失機之時而踰月之計汲汲焉不出於此是則前之人亦有不待欵伏餘暇而爲之者矣今春據開原遼陽寧前三道各獲奸細數人解赴臣所俱稱北虜聞見裏面修邊斷我搶路遣來探聽消息好得擾亂使做工不成臣訊其口詞皆然夫

虜卽來擾工自有臣去年車營營盤火器之應
法在復何慮獨計虜方懼我修邊斷路不得入
而我之邊臣却要開其路而延之入抑獨何歟
臣不宜億逆竊窺其間蓋有三幸五懼焉高才
自喜者幸邀掩襲之捷叨冒陞賚而輕視此爲
無竒老成自命者幸偷眉睫之安苟免無事而
重視此爲難就又其下者幸中外之扶同功令
之寬縱掩罪飾功而翫視此爲不必是爲三幸
我方養優處尊而經年走荒塞之下以當農田

土功之役則有任勞之懼民方難與慮始而一
旦動懷安之衆以拂燕雀處堂之情則有任怨
之懼同事方情乖志異而一處有作有不作以
取賢智先人之忌則有任嫌之懼當事大臣方
依違兩可不敢主張於其上而邊吏擔承於其
下則有瞻前怵後之懼議事諸臣方好持文墨
日伺人過於其內而邊吏踉蹌於其外則有憂
讒畏譏之懼是謂五懼以此三幸而兼五懼是
以明知修屯之利爲保人存遼第一義而不肯

爲明知四十年無人之禍而不敢一破其常套
夫

皇上以封疆之事寄之邊臣固將寄之以封疆人之
命者也人則不保而徒持一塊空土以還

皇上則遼之人奚罪哉

皇上之封疆奚賴哉去春臣曾疏請

勅問督撫條上方略臣實願佐下風效其愚迨後情
事舛異外作之而內不應上作之而下不應彼
作之而此不應一體支吾轉相乖迕臣憤懣成

病不復料理者半年今撫臣習途事出關之日
卽巡寧前一帶邊堡嚴檄各道衝暑查邊一以
修守爲急臣病中間之而起曰是其鑒四十年
無人之禍保人存途而振王忠肅之遺烈者乎
於是力疾屬草勉強披陳而庶幾同志者爲杞
人竟其所未竟焉臣本沉疴兼以積悃詞語冗
禱不能刪正煩瀆

聰聽伏乞

皇上察臣愚悃

俯賜乙夜之觀而付之施行以救遼人之殺掠不盡
者地方幸甚臣愚幸甚臣無任感憤激切待
命之至緣係遼敵已極遼人已空謹按四十年來邊
情大略再申膚見乞

勅當事懲前規後修舉本務以保子遺性命事理未
敢擅便爲此具本專差承差王好謙親齎謹題
請

旨

萬曆三十八年八月十八日奉

聖旨兵部知道

按遼疏稿

卷三

十

請停修屯辨撫院疏

題爲臣心已盡臣見實愚乞

俯從撫臣言停止修屯之議併放臣早歸以免罪戾
事臣自前年出關見得遼無邊臺堡皆坍塌虜
出入如家庭卽欲議修邊防會搗集舉起恐當
事者弗暇及而事出慮始又恐試臣者以臣能
言不能作於是不會議不題

請不調援兵不動官錢徑自挑築壕牆六百八十五
里重新拆包堡城七座臺七十四座添設臺五

座補修臺二十座既而工程漸有次第遂妄意
地方無不可爲之事而又南巡金復等衛見民
種山坡地土瘠糧重而河東西膏腴土反荒蕪
彌望屬

皇上念司農匱有屯田佐餉之

旨臣乃感慨言屯田修邊及蒙

旨查議地方官不著意臣亦灰心不欲問惟自六月
以來竊見今撫臣楊鎬銳意修守與之往復議
論文合復謬意修屯可卒業而猶慮夫人情事

勢兼舉之難故復具疏拈出緩急先後次序以便措手蓋望撫臣同心共濟非與撫臣爲異也及接撫臣題稿種種議論頗出臣想望之外謂李松修邊圖陞職而臣不圖陞職謂松十年完牆三十里臺三十六座而臣一年完牆壕六百八十五里堡七座臺九十九座謂松累死及虜掠夫役而臣未累死及虜掠夫役謂李植以屯累軍免或水田難行而臣隨地制宜謂千家庄爲有利此撫臣手開者而他土豈獨無利謂余

子俊費官銀一百五十餘萬兩糧料二百三十餘萬石而臣止費自己贖銀一萬餘兩謂周東奉逆瑾意激變地方而臣奉

皇上屯田佐餉

旨意且無激變地方其所比附絕與臣不相類撫臣謂書不可盡信史亦多誤人臣疏引書史誠誤撫臣述

本朝事誠當臣亦請言

本朝事

高皇帝既定天下、置北平、立興營、諸屯衛與遼宣聯
絡爲外邊、又遣魏國公徐達率列侯、自古北口
至山海關、增關修隘爲內邊、而修邊之事見於
此、用大學士朱訥言計安萬世、莫若固邊、固邊
在足食、足食在屯田、於是遣諸將屯練以備邊、
敵至則戰、敵去則耕、而

成祖時、江陰侯吳高言、山西屬衛以屯種妨團操、
上曰、團操急固當、然食不足、將誰與守、宜視地險夷、
制多寡之數、陽和留什之四、天城朔方留十之

三、蔚州留十之一、悉令屯種、且耕且守、着爲令而營屯之事見於此

成祖又勅寧夏邊將言寧夏屯所多虜猝至各屯孤必且先受掠苦可四五屯內擇一屯有水草者浚壕廣丈有五尺、深如廣之半、築土城高二丈、諸旁近屯駐輜重糧草其中、無警則居本屯、事耕牧、有警則驅馬牛羊入城固守以待援、卽寇至無所掠而邊完、而併屯築堡之事見於此、土木之變、兵部尚書余謙獨議、遂自大同遼東宣

府延安寧夏甘肅諸要害重置關馬牆布渠落
深壕塹平漫地皆修削偏坡使峻陡狹隘而延
綏則都御史余子俊築邊牆延袤二千里每二
三里爲敵臺墩砦相比連不絕再閱月而訖工
時徐廷璋修邊於寧夏馬文昇修邊於陝西與
子俊稱關中三巡撫云而楊一清起都御史總
制三邊時亦以修築爲急其說曰修邊之役人
有異議然利害有輕重關係有大小大事可成
則小費不足計遠效可圖則近怨不足恤自古

卷三
舉大事、未有一勞而永逸者。臣非敢忘戰今
顧以邊牆爲言、受恩深重、自當爲國遠圖其疏
論蓋如此、而寧夏虜急起、尚書王瓊亦修邊於
花馬池定邊一帶、人稱爲王總制牆焉。嘉靖時
虜入古北口薄

京城、明年築薊鎮邊牆一千三百餘里、臺如之而
宣大山西爲虜蹂躪極、亦遍修牆堡、雉堞雲連
至今以爲恃。至於屯田、載在會典、及先臣商輅
王鏊、李承勲、李秉等所議所行者、尤甚詳。此皆

實錄之可信而不誤人者似不獨余子俊逆瑾
兩事可備考訂參詳然地方事惟主者是聽撫
臣以爲非其時也而臣敢曰是時撫臣以爲非
其地也而臣敢曰是地臣初不自量謂地方事
尚可爲但有人細心區畫脩一丈亦是一丈之
險阻虜一時便民趨避亦得一時之濟又見廣
寧所屬各營堡歲辦小麥六百八十餘石穀藟
水稻六千二百三十餘石稻米數百石爲各衙
門用在公費之外但有人以奉承上司者奉承

朝廷歲輸升斗供軍亦可省太倉升斗之餉而實不意其難之一至於此臣荆南鄙人不識時不識地微撫臣言臣且不免於逮繫之効逆瑾之禍撫臣豈惟利遼而其保全臣者更大臣復何言惟是臣疏謂存遼在保人保人在實內固外是以守保人也而撫臣以爲有味於款之保人臣疏謂火器戰車小入小戰大入大戰是言戰也而撫臣以爲坐消士氣臣疏言十五利皆強兵壯馬之事是講兵馬也而撫臣以爲涉講兵

講馬又是搏弄兵馬臣全疏具在撫臣豈必有意摘句駁臣以伸已搗巢之說但恐聽者不察謂臣實諱戰臣不得無說而處於此臣巡閱兩年感憤時艱無念不在地方無事不越局爲地方官代勞問海有神實共鑒知卽如兵馬一事臣見遼軍苦剝削一切禁革窮軍始得領全餉不至饑逃又見額軍半缺檄道將造送逃軍花名住址細冊分發各道行衛拿解嚴限比較又見府州舍人門子等項輒三四百人卽經歷亦

百餘人皆逃軍解差者一入文職衙門武弁不敢問臣行各道盡革軍發原伍餘丁發衛收管着役又見各將領假跟伴名色占軍多至四五百餘人少亦不下一二百人臣又行各道盡革入伍照依題

准事例副叅遊都中軍千把總跟伴名數不得多占而鎮守衙門占役臣語先後總兵陸續革去二千餘人入伍又鎮守衙門以打造差撥調各營路千餘人廣寧聽用臣又行各道盡取歸伍遼

軍十年不操練臣又履行各道挑選精壯查點馬匹衣甲弓刀火器等項逐日演習仍促各道親下教場不時監視遼東教場向皆將官耕種臣差官盡將所獲糧石入常平倉永爲不操軍者戒仍酌定操法移書鎮臣屬令通行如法演練臣又思禦虜惟火器爲長技檄行各道打造而臣親於遼陽開局打造過歷一千四百六十頂甲一千四百六十副大三眼鎗六百杆小三眼鎗二千二百一十杆百子銃四百六十位棍

鎗二百九十杆、腰刀一千把、弓九百八十張、箭一萬六千六百枝、垂頭砲四十杆、一一經臣驗試、而又新造獨輪戰車三百輛、以防大虜、臣曷嘗以修屯故而不搏弄軍營路向乏馬、地方官留馬價、餌虜皆以本地馬、少爲言、及議買、宜大夷馬、恐遼中夷市斷、議兌寺馬、又恐部中扣留馬價、無以爲撫賞用、而臣必行之、因得兌寺馬三千匹、市宣大馬八百餘匹、夏間虜報急、遼陽新舊兵無馬、立命五衛印官、不論鄉紳士民、凡

養有好馬騎坐者平買五百餘匹不足復發銀一萬五千兩往宣大市馬可一千八百匹又見永寧監孳生馬匹向被奸軍盜賣故耗甚臣行道極力清查追補逋欠逐一印烙除種馬三千八百七十八匹外復得騎操馬一千六百三十二匹俵發營驛又牧田一千五百餘頃向坐落東山一帶弘治中

特遣黃主事僅一清之復爲山豪所據者百年臣又行道委官尋踪覓跡履畝清查分給馬軍定界

立碑繪圖遵守又見營路爲驛近所累屢行各道拿原軍補驛馬盡將驛田清出給軍養馬不許營伍代差以至馬蓬芻料之屬無不經臣料理臣何嘗以修屯故而不搏弄馬遼將素怯戰畏臣法度嚴明慮無不人人憤私相語寧死虜不死臣法而願得一當者今卽虜闖入其所收拾鼓舞儘足供撫臣一戰之用似無煩撫臣語虜曰我邊未脩也我田未屯也而汝且姑退一舍蓋臣講修屯猶以協力望人臣講兵馬實獨

見諸行事特以善戰者必先做定家當進攻退
守乘險伺便吾力始可不屈故不專以搏弄兵
馬一節爲盡邊臣能事而非教邊臣莫搏弄兵
馬也臣之貽書撫臣也言漢光武時諸將請出
塞光武曰誠能舉天下之半以滅大寇豈非大
願苟非其時不如息人宋棄中原地當以戰恢
復而我

國家今甌萬里虜雖數侵盜邊不過利我子女布
帛但使飾險固修塞障而守禦之使寇我不得

來則拒去勿追而羈縻之使仇我不得降不釋
備叛不勞師如是焉止矣何必咬定一戰字以
遼人僥倖及撫臣答書則獨有取於武帝頻年
出塞而以宋不北伐亡宣大爲款誤若謂搗巢
有益而臣斥之爲不可者臣又以書復曰昔周
家盛時不廢掌固司險之備而其命將率伐獫
狁不曰城彼朔方則曰至於太原夫得人而南
仲吉甫而終止於薄伐止於城守小疏太氏不
出此意蓋脩守以備戰非恃款而廢戰也特其

平日持論主於境內戰而不於境外戰明與大
虜戰而不暗與零夷戰以不得已心戰而不以
生事心戰無戰名無戰功異乎今之所謂戰者
人遂從而詆之曰諱戰曰噤口不敢道戰字而
其實不然至於追數四十年來邊情全斥搗巢
之無益亦有由來李寧遠初鎮自隆慶四年至
萬曆十九年獲首虜一萬五千一百九十八級
豈曰不多除各路境內境外不論外本鎮下實
該一萬三千五百四十二級內境外一萬三千

三十七級境內五百五級境外東夷八千三百
四十四級西夷四千六百九十三級是以西視
東僅三之一而以內視外僅三十之一也在鎮
二十一年不爲不久矣千百之虜月數至數萬
十數萬之虜歲數至不爲不頻矣塗人之肝枯
人之骨孤人之子寡人之婦污人之兒女毀人
之屯寨廬舍而捲人之牛馬牲畜糧石則物以
去不爲不慘矣是尚未可以戰與而境內之級
殆止此何也夫所貴於槁巢者謂其犁庭掃穴

蹀血萬里塞翁侯之旗斬郅支之首組繫閼氏
太子名王以下明犯漢者必誅不敢再窺邊而
我因是以得數世之安故足術也若第刼隣邊
住夷以挑虜虜至又不一戰而徒以吾男女予
虜反出於金繒予虜者之下此所以斥其無益
也假令亦能數道出塞耀其威靈使幕南無王
庭如漢武時事又奚斥且夫有武帝之數道出
塞耀其威靈而後後世得享其逸有高文之結
好安民天下富饒而後武帝得騁其志迨後士

馬物故海內虛耗棄造陽北九百里終不復能
師而武已憊矣宋祖以契丹方盛未可伐置北
漢不攻令自爲守以當虜獨擇將帥積封樁以
待其釁及太宗北伐屢出屢敗兩河騷然川淮
震動繼遷西跳而契丹復時時深入一時將相
士大夫益膽落憚於兵而卒以金繪終史臣譏
其基禍釀衰有以也我

國家驅逐胡元還復中夏

奮威三駕貽安萬年而至其諭將吏垂

祖訓第曰無深入窮穴曰時謹備之耳弘治中議出塞劉大夏以爲不可

孝廟曰永樂間頻年出塞破虜今何不可對曰皇上聖武同於

太宗奈今將士遠有不逮且當時如淇國公丘福稍違節制數萬甲兵俱陷虜地況今之將又在丘福下不若且令各邊料敵戰守而嘉靖自庚子以來俺虜窺關隴圍太原陷石濕掠遼薊蹂雲谷直薄

都城

世廟赫然欲伐之勢未能北幸就羈縻而我始得葺
險隘存子遺省徵調度支息肩四十餘年而兵
馬一無可用者此邊吏不能用款之過非款之
過也猶幸城堡見存人民尚在卽今得人收拾
猶可旋整旋戰假令當年智不出此而使此虜
終其兇德聽趙全之逆謀塞鴈門侵工谷逼居
庸朶顏居雲中而全據太原效石晉故事今日
能復有宜大否知者覩未形寧不願遼之爲宜

大愚者按往事寧不願遼爲未封時之宣大但爲宣大之羈縻而不爲宣大之玩愒設險積儲練兵選將大修戰守而後因其侵軼一戰以殄之斯亦足以壯元老之猷而稱朔方太原之師已又馬用撫臣以書入疏臣不得不以書入疏然非臣一人之私言也樞臣李化龍與臣書曰遼自嘉靖以前土沃人富稱爲樂國於時虜患亦少自隆萬以來搆巢之事起我時時出剿虜亦時時報復我之出剿也止取其首級以

微陞賞而虜之報復也舉男婦牛馬布帛糧食
凡土之所有無不席卷以去於是虜入一處則
空一處數入而遼遂爲空國矣則搗巢之所貽
也疏中考核數十年來我之出搗虜之入搶至
詳至確真足以爲永鑑使後此而爲遼者永以
爲鑑但急急於修內治而不必於貪遠功遼尚
可以爲國矣夫樞臣故嘗撫遼者也樞臣之言
而私臣也則可樞臣而非私臣也則臣言豈獨
非哉且臣亦非拘定不搗者夏間鎮臣欲出邊

臣壯而許之屬以黃反兩酋不果巡道詳請搗
炒酋巢臣又壯而許之屬以併搗黃反兩酋又
不果及臣過廣寧鎮臣同部臣視臣疾問其故
鎮臣曰人言搗總兵言不搗是怯也貴願以老
命殉邊

褒贈卹廕於貴榮至於有益地方與否貴不敢知臣
服其言爲真實不欺今撫臣曰搗不可盡廢但
患不能搗臣亦曰搗不可盡廢但患不能搗真
正酋首巢又虜報不能應有後災故以爲難如

調臣消士氣長天驕目今報虜二萬結聚錦義
邊外正麾之不去之時請卽先發制人提師出
境殄滅此而後朝食臣不阻當幸撫臣無以爲
大懼也臣以一腔血誠爲

皇上封疆長計何心節鉞何心挈長比短撫臣卽以
羅亨信梅國禎保臣而自謙以諛臣臣不受臣
言當惟撫臣行臣言不當惟撫臣止

皇上旣以全遼畀撫臣事事在所得爲誰掣其肘置
之安而安置之危而危在撫臣不在

廟堂何必九卿科道會議獨臣礙地方則不可不
亟去耳臣在地方久興除銳急而奉行者或不
得人不免以美事爲罪過卽如常平倉事除贖
緩萬金脩邊外復積穀合前報今積約可二十
萬石臣日夜籌此甚苦凡爲救民命耳乃地方
中亦間有言其擾民不便者臣想此事非有脩
邊屯田之難非有李松累人李植累軍余子俊
費儲逆瑾激變之害但使不厭米鹽之勞揀委
官酌時估嚴查勒抑諸弊何至擾民而亦以爲

不便文如河東自三岔河起至開原沿邊順長
六百餘里居民開墾荒田有抵牆下者種出亮
子河外者而秋來零竊絕跡農家樂業安心收
穫一塵不驚孰謂壕牆果無益然地方中陰享
其成不念所從來徒慮後勞而反以前作者爲
擾蓋作事之易爲罪過類如此幸賴撫臣掩瑕
覆垢其送稿於臣言脩屯事各道非不有揭報
但意多偏執辭不雅馴今通不以一字入疏正
恐傷吾輩兩院之體而區區敬重愛護臣之心

固可質之鬼神者臣感之顧臣伏思若是不雅
馴語加臣於脩屯外各道自有良心若是止言
脩屯則臣望各道作事已不作而又以不雅馴
語加臣適自彰其泄泄於臣體何傷然而臣敢
不悔從前作事之過而亟亟一去以謝地方乎
伏乞

皇上從撫臣言停止脩屯之議免令地方不欲者鼓
弄成變坐臣以周通之罪尤乞

檢發告病原疏放臣回籍無使人實謂臣圖巡撫且

使不雅馴語不再至得以全撫按之體終完道之交而臣雖去其惓惓保人一念尤望

聖旨嚴明無輕作搗巢事也臣下情不勝惶恐激切之至緣係臣心已盡臣見實愚乞

俯從撫臣言停止脩屯之議併放臣早歸以免罪戾事理未敢擅便爲此具本專差承差劉可繼親齋謹題請

旨

萬曆三十八年九月十三日

再請告疏

奏爲病勢日沉泣懇

天恩早允回籍事臣因思母成病已於五月內具疏請告未蒙

命下隨於六月內見報御史王孟震接差代臣臣遂忍死候代不敢再陳不圖孟震轉外自夏徂冬強捱至今而病益不可支矣臣稟素羸弱自前冬勘疆衝冰衝雪侵肌入骨遂得寒疾遇冷輒發比來邊氣凜烈觸增前病頭痛體沉晝夜寒

顛兼以胸膈鬱懣如石處懷脾傷胃壞口食清
粥不及兩盞似此光景何以度日延命上終
聖主錫類之恩下慰孀母倚間之望臣記入臺時改
自部曹卽叨實授於時大差缺六中差缺八臣
選次第二序應大差忽因疆事應

旨來遼旣已去大就中去易就難去近就遠去安逸
而就凶危游歷三冬受諸苦楚而近見各處按
臣報

命盡是臣後差遣臣猶羈戍塞下未卜所歸自惟

君恩甚重臣命甚輕鞠躬盡瘁死而後已臣所不辭
獨以臣病之故遠繫孀母之心於地北天南之
外終日憂臣念臣不得一蹴到膝下慰此衰慕
卽不幸臣溘先朝露而使白頭老母向江頭而
哭孤嫗其爲傷心尚忍言乎臣爲此覓馳鬼去
日夜呼號伏乞

皇上哀鑒早放臣還全臣母子相依微命臣無任泣
懇迫切待

命之至緣係病勢日沉泣懇

天恩早允回籍事理未敢擅便爲此具本專差承差
李萬珍親齎謹具奏

聞伏候

勅旨

萬曆三十八年十月十二日

復將領冠帶疏

題爲乞恩貸罪以肅軍政以安衝邊事據分守遼
海東寧道兼理邊備屯田山東布政使司右叅
議王興整飭金復海蓋兵備屯田兼管苑馬寺
事山東按察司副使閻鳴忝呈蒙臣批據瀋陽
遊擊王紹芳海州叅將蕭如蕙等呈爲前事蒙
批各查報去後該兩道看得云云等因各呈報
到臣據此案照先奉都察院勘劄准兵部咨爲
遼陽大遭殺虜上下欺玩成風謹循職糾叅以

備處分事該臣覈勘長定堡失事疏內蕭如蕙王紹芳張昌胤策應愆期各有先後蕭如蕙王紹芳應仍充爲事官策勵堵禦如果夏防無事或立有功勞方聽臣等

題復冠帶張昌胤情罪委輕應復原職罪完日照舊補用該兵部覆奉

欽依蕭如蕙等各依擬杖懲蕭如蕙王紹芳仍充爲事官戴罪防禦俟有勞績方准題復冠帶張昌胤罪完之日改擬別用移咨備劄前來依奉案

行海蓋道遵行發落訖今據前因該臣會同巡撫遼東地方贊理軍務兼管備倭都察院右副都御史楊錦議照馭將之道貴嚴不嚴則下有畏虜不畏法之將統軍之體貴威不威則下有畏敵不畏將之兵長定之役蕭如蕙王紹芳張昌胤策應愆期臣於查叅失事之初卽擬革去冠帶管事以待查勘法也旣而查勘如蕙等各擬應得罪名罪完則事完覆勘之日便當復其冠帶而臣猶照初叅議令如蕙紹芳仍充爲事

官策勵堵禦必俟夏防無事方准

題復者其持法似不無稍過祇緣此時虜衆數萬屯聚遼海邊界誠恐各將因而放心不得不更加申警以爲地方計耳今地方幸就晏然不但夏防而秋防且無事矣冬防又過兩月矣此固我

皇上威靈遠震督撫鎮道諸臣防禦周慎所致而如蕙等被創思奮大修戰守一切先事隄防示虜有備而不敢一窺邊亦不可不謂其勞苦而有

功矣尚忍再緩

題覆而終不令其一施眉目於三軍上耶且遼左從來將習於欺懦而不知有

朝廷軍習於玩愒而不知有將今諸將粗知有

朝廷法可畏而長以白衣領兵愈滋兵之玩愒而不知畏將但目臨敵之際必有靡之而不前者而以此責將將且有辭於我是使將不能以威治兵而

朝廷亦不便以法治將此兩敝之道也況今河冰

堅結正是常年虜衆大舉時候尤當予以彈壓之權作其軍容之氣其精采之發揚衷情之感激必有思得一當以自效者蕭如蕙王紹芳所當查照部議准復冠帶照舊管事者也張昌胤之罪比如蕙等爲輕而革任之法視如蕙等反重已蒙

聖明鑒察奉有罪完之日改擬別用之

旨本將感激

天恩誠願誓死圖報自臣等四月委管新兵一千六

百餘名逐日操練人人堪戰已經臣等調遣駐劄武靖營地方防禦所當查照部議復其原官改補遼陽新設騎兵營遊擊統領今兵事務者也再照原官起用例應降級昌胤奉

旨改擬與降起事例不同苟不以原官改補是如蕙等得復冠帶職事依舊而昌胤反不得保其故物也臣請認誤叅之罰以謝昌胤至於中固備禦鄭朝隆去年曾陞鐵嶺營遊擊已而用臣等議留李効忠於鐵嶺朝隆以新陞遊擊仍管中

固備禦事務。後因修邊。違式部覆。臣議革去遊擊職銜。再候明年脩屯有效。方准復職。今脩屯之議。既以中止。則朝隆之職。豈容終革。況河西諸將。高坐城中。不加一撮土於邊者。誰不日陞月轉。而朝隆以孤堡之力。數月之間。脩築邊牆二十餘里。壕亦如之。又新包墩臺二座。雖少違原式。豈不賢於城中高坐者。而反得降級。亦緣臣當日脩屯意銳。欲要懲前警後。而不虞以此空累本官。又不獨其持法稍過矣。所當復其原

陞遊擊職銜照舊管事者也伏乞

勅下該部再加酌議將海州叅將蕭如蕙瀋陽遊擊
王紹芳准復冠帶中國備禦鄭朝隆准復原陞
遊擊職銜各照舊管事原任復州遊擊張昌胤
改補新設騎兵營遊擊管領新兵事務庶使法
行知畏者旣憤激於其前恩行知勸者復踴躍
於其後各將之氣色一新而三軍之耳目頓肅
其於軍旅之事未必無小補矣緣係乞恩貸罪
以肅軍政以安衝邊事理未敢擅便爲此具本

專差承差陳應科親齎謹題請

旨

萬曆三十八年十二月初三日

奉

聖旨兵部知道該本部覆奉

聖旨是

考選軍政疏

題爲考選軍政官員事據分守遼海東寧道兼理
邊備右叅議王興分巡遼海東寧道兼理廣寧
等處兵備右叅議孫敦化整飭寧前兵備右叅
政馬拯整飭金復海蓋兵備兼管苑馬寺事副
使閻鳴泰整飭開原兵備僉事高折枝各呈報
各路副叅遊守備禦原係都指揮使以下等官
逐一詢試考核備將各官賢否實蹟到臣據此
案照萬曆三十八年三月二十九日奉都察院

勘劄准兵部咨該本部題萬曆三十八年例該
五年考選軍政官員題奉

欽依備劄前來會同巡撫衙門行令鎮守及副總兵
但係都督職銜者依限自陳其餘副叅遊守原
係都指揮使以下等官從公詢試一體考核會
題施行等因本年八月十六日奉都察院勘劄准
兵部咨該本部查得先該巡視京營科道官傅
來鵬等條陳一款復舊制以儲將材該本部覆
議九邊將領如遇五年應考之期本部預行各

該總督撫按官將所屬大小將領從公詢試如有貪酷庸懦年老有疾等項不拘名數多寡會同具

奏議斥如罪惡未甚年力堪以策勵者不得苛求等因題奉

欽依欽遵在卷今照考期伊邇仍應申飭合候命下通行各省直總督撫按衙門將所屬大小將領都司等官查照近題事理用心詢試如有前項不職者不拘名數多寡會同劾

奏議斥等因題奉

聖旨是欽此欽遵俱移咨備劄到臣又經備行各道轉行總兵副總兵但係都督職銜者各依限自陳其餘副叅遊守備禦原係都指揮使以下等官從公詢試查訪考核去後今據前因該臣會同總督劄遼保定等處軍務兼理糧餉經畧禦倭都察院右都御史兼兵部左侍郎王象乾巡撫遼東地方贊理軍務兼管備倭都察院右副都御史楊鎬議照遼於九塞最號首衝固以三

面無處非虜四時無日不防而邇年東虜之跋扈不恭西虜之陸梁愈甚自非智謀忠勇之人曷勝干城腹心之寄况閭閻已凋於礦稅戶口漸耗於流離家鮮蓋藏存僅皮骨而如以貪饕無忌者司三軍之命朝夕剝削動止征求每應接之不暇卽規避而難免此其爲地方之害豈不更浮於虜乎故考察之典在於首懲貪懦然武弁之輩實難兼得勇廉或才未甚優而軍民不苦其科歛或守未大肆而緩急可賴其支撐

與夫毀譽并至、議論未定者、亦不敢過加苛求、致乖器使、今據各道所開應議之人、臣等再三訪覈、當與衆共棄之者、蓋得二人焉、如欲對偶其語、恐以文織失真、請各卽其事證款、目爲

皇上明白陳之、其一爲寬奠叅將傅元勲、平生一味姦欺、數任總滋穢濁、曾無智名勇功之可紀、奚取計日累月而疊遷、久似貪狼、還同餓虎、一先任寧前、每遇領到軍餉、照月先扣銀二十兩、吳通保過、送入宅、然後指稱撫夷公費、每軍仍扣

銀一二錢不等、號頭李玘可審一與夷會貴英
買好大開木市、令牢子官張威等帶領數十餘
人易換松栢等木數萬、并抽收商稅銀千兩有
餘、止報十分之一、一市中陸續換過夷馬二百
餘匹、發與本營哨各邊堡無馬軍士領養聽候
驗領、官價每馬外加索銀三五兩不等、共得銀
一千餘兩、王芥等可審一濫用蟒段等物加賞
貴英、求差達子來各山架梁、因傳調闔城各站
所邊堡鄉屯車一千餘輛、赴邊外黑松林採取

大松木邊外住宿一夜往回二日方得進牆每
大車收稅銀六錢中車收稅銀四錢小車收稅
銀二錢一次抽銀八百餘兩共計三次名爲撫
夷公用盡歸私囊王思政等收送可審一取大
過梁木一對用軍三百名每次取大木二對三
次共取大木六對每對賣銀一十五兩共得銀
九十兩俱傳以信發賣收送可審一賣於景伯
騾騾一頭索價銀二十兩止騎一月用銀三兩
五錢換回本人證一轉義州叅將發銀一百兩

委旗舍姚文俊等分領易買本營與各邊堡軍士月糧米豆小票二千餘石每票一箇止給銀五分在倉免填鹽牌二千引填寫勘合一道賣銀一千餘兩劉伯坤等可審一義州叅將衙門舊有溫石影壁一座本官起去令兩班門下員役黃雲龍等攢銀二十兩顧董承差家大車二兩運送遼陽城外李澤莊上寄放可驗一差旗牌王天佑帶領水手張希堯等二十名同通事朱達子在大康堡偷換反青下達子偷來達馬

約一百餘匹、每馬一匹止用布貨、值三四兩、約得利千有餘兩、王天佑等可審一任瀋陽委旗牌陳仁等常川在撫順所夷市買賣、換過人參一千餘斤、貂皮五百餘張、分文稅銀不上稅簿、可查一撫順所夷市、易換過達馬八十餘匹、發與本營無馬軍士孫狗二等烙印騎操、除官價之外、又加稍銀、每馬一匹五六兩不等、一年得利千金、侯進功等可審一委旗甲薛會等上倉塩糧一千六百石止、上完八百石、被凌通判查

盤欠少八百石、倉官欲要具呈、本官卽送本管
將官大白馬一匹、銀二百兩、買寢薛會等可證
一任鎮武堡造船四隻、委家丁僉進功帶領網
戶高合等三十餘名、架船在邊外柳河等處捕
魚一年、約賣銀八百餘兩、李全等可證、一西興
堡軍士溫來保等五十六名、先年填實鎮武堡
操備、近因西興堡軍逃大半、空虛難守、堡官通
詳呈討回堡來保等、每出銀二兩、共收銀一百
一十二兩、送元勲收訖、照舊存留在營、溫來保

等可審一中軍程謙一科武舉原無實職先鑽
千總在營貪跡種種元勲索銀五十兩呈委中
軍家人候進功過送可審一散給鎮武營坐府
家丁徐得材王來召吳得山私馬三匹衆丁朋
出銀六十兩本營軍盧尚仁可審一西平等五
堡發銀二十五兩每隊派藟穀豆五石共計千
石上納鹽糧西平軍人宋得成旗牌張成名買
收可審一放閑金復海蓋四衛軍士王大保等
五十餘名買油炭鷺鴨猪羊米麵之類一季約

百餘兩、一年四百餘兩、王大保等可審一委伊
親徐五執旗總管木漆繡畫等、各行軍匠共五
六十名、日每營造器皿衣飾之類、徐五又指倚
將官撒放私債、加五起利、每歲約科扣銀五百
餘兩、王志仁可審一縱神棍王六買弓絃五百
餘條、撒放闖營軍丁、每名一條、尅雲月餉銀二
錢、共得銀百兩、餘門子可證一新任寬奠未及
旬、餘卽傳中軍翟永昌下箭道、發與銀六十兩、
令朱惠等往靈陽買李應曲夏邦好參三十斤、

每一斤價銀十一兩二錢比原價每斤外添銀
九兩二錢一分共使銀三百三十六兩三錢却
向軍士喻承遷等一千八百四十二名每一名
派銀一錢五分共科歛銀二百七十六兩三錢
催參價銀夜不收丁朝臣位得虎可審共計二
十一條其餘尚難縷數其一爲杏山備禦劉思
堯外若昂藏中實蓄縮操不飾於簠簋年更迫
於桑榆豁壑難填封疆大蠹一三十六年七月
內占軍士余壽葉平等十三名在筆架山崔家

莊打魚迄今三年每月認魚一千斤每斤作銀一分無魚照數納銀張友德王明可審一三十六年委官谷承武領到馬價五十分每匹官價十四兩乃令家人同劉思漢將官價買馬販賣一年以後方交老弱馬五十匹俵軍顧承襲王子陽可審一三十七年八月二十日令家人小留住帶領軍士二十人李得功等在城南二十里鋪伊家莊上收割田禾至十月終掣回歸營小留住可審一徐邦奎原係盜庫事犯問發煙

漳永軍伊查例告改杏山軍送思堯銀五十兩
私准替役鑽投衙役害人一委官侯承運李林
等每次領到軍餉索扣常例二十兩一年計折
色八箇月共扣銀一百六十餘兩俱史朝陞薛
一明過送可審一本官家丁軍五十名止有景
達子顧天桂等三十名見在其餘二十名糧賞
俱繫按月侵用一李鶯手等十名日每打圍下
網每日交搗兔野鷄等各十隻如無鷄兔每折
家鷄一隻李鶯手可審一占軍士爲莊頭先占

田景松褚木等十五名後又添文仲舉等四名
在廣寧二十里舖耕田終年常不入伍又占馬
驛遞運安插三所軍地五十日白朝舉程然王
尚仁可審一本官自幼善能賭博三十七年十
月初二日令伴當李國柱牽騎官馬三匹至廣
寧城接郭萬里范得功二人在杏山開廠大賭
人所皆知一占軍木匠張志登等五名在廣寧
起蓋房十二間計五箇月其工始完至狐狸皮
軍則崔尚道等八名每十日認皮十張皮匠軍

則李大漢王二等五名終年做靴販賣楊友官
曹文學等可審一縱弟劉思漢在杏山帶領軍
下擅騎官馬日每打圍跑死無數如軍丁一名
不到思漢徑行責打杏山軍民有二備禦之號
一包納月錢軍張寶等三十名每月各認銀四
錢地方不僉派雜差一占用軍士王九二等二
十名宰殺每月每人認豬肉二十五斤每斤折
銀二分五釐每月納銀一十二兩五錢王九二
等已納三年共得銀四百五十餘兩王九二可

審一押買軍士糧票計一年四五百石每石止
預借銀一錢軍士從來不需實惠旗牌千計士
顧承襲收證一崔旗牌帶領軍士十名下海打
魚每月交銀五兩一年交銀六十兩三年共得
銀一百八十餘兩各軍俱不隨伍崔旗牌可審
一押買住民王五張承山三十餘家每蠲秫十
石止與銀一兩八錢社落官銀怨聲載道張承
山等可審一縱弟劉思漢在本管地方買糧一
兩五錢一車一年買三十餘車計三年約有一

百餘車、旗牌、牢伴各頭可審一指稱隨任家下
占用騎坐馬五十名、每名每月納銀六錢、一月
得銀三十兩、王隆、李林證一指稱高遊擊新任
送見面禮、每軍科收銀五分、二堡并杏山軍共
六百餘名、科收銀三十兩、張洸、孫承惠、李林證
一差夜不收于二赴大興、大福二堡查看邊臺
每臺銀五錢、二堡共收銀十兩、本官肥已字識
徐一孔證、共計已二十條、尚猶未盡其辜、以上
二臣才守俱屬極劣、戰款無所用之、皆當革任

回衛以示懲創者也再照遼鎮往歲軍政叅劾者例用三人今臣等止劾二人非故縱也查撫按蒞事邊方或差滿復

命或閱視復

命或年例練兵或軍政考察多於數月之前暫容應議之官留爲臨時之用而此應議者旣知敗露不免且思盈滿而歸而遲去一日卽大爲地方一日之害矣乃臣廷弼自三十六年冬底入遼前後將官望風解綬多以病去者不計外旣曾

於三十七年正月內叅革遊擊吳宗道一員二
月內叅革副總兵吳希漢叅將吳世爵遊擊郭
濟川李如梧李繼武守備郭巍然備禦周大岐
等七員本月內又叅革遊擊于守志一員十月
內叅革加銜副總兵趙紳遊擊崔吉張應种備
禦李維德四員本月內又叅革叅將李澤一員
三十八年正月內叅革副總兵佟鶴年叅將張
昌胤二員五月內又叅革遊擊林宗舜一員撫
臣鎬履任後七月內又會叅革過副總兵曹文

煥一員蓋兩河之間兩年之內共劾去者已一十八人恐他邊未有如斯之多而無非不忍爲地方養患蓄害之意故至於今僅得以二人應考察而猶似爲過嚴也伏乞

勅下兵部再加查議如果臣等所言不謬將傅元勲等革任回衛員缺另行推補庶將領得人而邊鄙有賴矣緣係考選軍政官員事理未敢擅便爲此具本專差承差徐世賢親齎謹題請

旨

萬曆三十八年十二月初四日

奉

聖旨兵部知道該本部覆奉

聖旨是